



衛生易簡方卷之七

骨鯁

治一切骨鯁用金鳳花根醋濃煎湯以竹管灌入喉中或用子研灌或入鼻中不可犯齒○又方用乳香二錢研細水調徐嚥下○又方用沙糖噙化鯁自下○又方用朴硝噙化○又方用鷄蘇朴硝等分丸如彈子大仰卧噙化三五丸即愈○又方用野苧根洗淨搗如泥每用龍眼大如被雞骨傷以雞湯化下魚骨傷魚湯化下○又方用縮砂甘草等分為末以綿裹少許噙之旋旋嚥津久之隨痰出○又方用生艾



蒿數升水酒共一斗煮取四升稍稍飲之○治鯁噎
用諸魚燒灰調服○治魚骨鯁用獺足於項下爬之
亦煮汁服○又方用魚尾草一名醉魚兒草搗汁和
冷水嗽仍嚥下此小自然骨化為水池沼邊不可種
恐傷魚○又方用瞿麥為末水調方寸七服○治魚
鯁骨橫喉中六七日不出用鯉魚鱗皮燒灰水調服
則出未出再服○治魚骨及雜物鯁用蜜稍稍服之
令下○治鯁及刺不出用薔薇根末水調方寸七日
三服○治魚骨在腹中刺痛用茱萸一合水煮汁一
盞服之若骨在肉中不出嚼茱萸封之骨當爛出○

治魚骨鯁用鸕鷀骨為末服或煎湯飲○治魚鯁骨
橫喉中用琥珀珠一物貫串着繩推令入至鯁所又
復推以牽引出矣○又方用飴糖丸如鷄子黃大吞
之不出大作丸再合○治魚鯁用橄欖嚼汁嚥○又
方用楮樹嫩皮搗爛為丸或楮子研碎水下二三十
丸○治魚骨及竹木物鯁嚥不下咽用象牙為末水
調一錢服○又方用貫衆煎湯頻呷漱

聲瘕

治患卒瘕用杏仁三分去皮煎熬別杵桂一分和搗
如泥每用杏核大絲裹含細細嚥之日五夜三○治

無故喉咽聲音不出者名為失音用橘皮五兩水三升煮取一升去滓頓服其聲自出○又方用桂心為末頻放舌下漸漸嚥汁○又方用桂每服三錢水一盞煎七分溫服不拘時聲便出○治風冷失聲咽喉不利用蕤荷根二兩研絞汁酒一盞和勻不拘時溫服半盞○治失音用槐花瓦上炒令香熟出火毒半夜後仰臥任意服亦治咯血○又方用皂角一挺去皮子蘿蔔三枚切片水二盞煎一盞服之不過三四服即聲出

眼目

治赤目熱痛用硝石研細臨臥以銅筋取黍米火點目眦頭明旦以鹽漿水洗○治目暴腫痒痛用地骨皮三斤水三斗煮三升去滓內鹽二兩煎二升傳目○治久患内障眼用車前子乾生地黃麥門冬等分為末蜜丸如桐子大每服三五丸臨臥茶清服○治目痛及眯傷有熱瞋者用地膚子白汁注目中○治目睛疼冷淚羞明怕日及筋脉痛用夏枯草半兩香附子一兩為末每服一錢臘茶調下不拘時服○治眼風熱赤膜用枸杞葉搗汁點之○治當風眼淚用大枸杞子二升搗破絹袋盛置罐中酒一斗浸訖

密封三七日每旦任性服○治暴赤眼砂澁疼痛用
薺菜根研汁點目中子明目去翳障久食視物鮮明
四月八日收實良花將放席下辟虫○治赤眼用青
泥蛆淘淨晒乾為末赤眼上乾貼之甚效○又方用
銅碌輕粉牙硝腦子少許麝香研細為末乾貼之○
又方用黃連綠礬杏仁甘草銅碌等分為粗末水煎
洗甚效○又方用銅碌白土芒硝等分為末丸如阜
角子大每用一九白湯研化洗之立效○治冷淚目
昏用密蒙花甘菊花杜蒺藜石決明木賊去節白芍
藥甘草等分為末茶清調一錢服半月後加至二錢

○又方用乾姜為末每用一字沸湯點洗○又方用
貝母一枚膩白者胡椒七粒為末點之○治目昏用
荆芥穗地骨皮楮實等分為末煉蜜丸如桐子大每
服二十九米飲下○又方用川椒一斤微炒搗取紅
末四兩甘菊花四兩生地黃一斤搗如泥同和作餅
子透風處陰乾再為末蜜丸如桐子大每服二十九
食後茶清下○治一切風毒赤眼用當歸赤芍藥黃
連黃蘗等分為粗末以雪水或甜水濃煎汁熱洗○
治攀睛瘀肉用黃丹一兩二錢水飛白礬一兩銀器
內化成汁入黃丹在內以銀錐攪勻更入乳香沒藥

各一錢慢火不住手攪令枯乾為粉候冷研極細入鷹條一錢半血竭二分麝香少許輕粉三分粉霜二分共研極勻再用熟絹羅過為細末點之大效○又方用芒硝一兩螺青沒藥乳香各少許為細末每用少許鼻內啗之○治風淚眼用黃連槐樹皮或燒灰共熬湯澄清洗之○又方用桑樹臘月不落葉煎湯洗之○治赤眼用黃連剉細以驢奶淹浸良久點之○又方用黃連秦皮等分加滑石一塊煎湯洗○又方用冬青葉濃煮湯入鹽少許熱洗之○治眼赤腫痛用艾灰黃連各半兩搗勻煎湯一盞入龍腦少許

溫洗○又方用大梔子一箇去皮明礬黑豆大一塊以生絹包定滾湯小半盞浸一時辰點之○又方用臘月羯羊膽一箇更加蜂蜜灌滿掛令自乾有患者取米粒大一顆放眼內疼痛即愈○又方用赤小豆南星末生姜自然汁調成膏貼太陽穴○又方用頭垢少許放眼內微疼淚出愈○又方用石膏乳香各一錢別研枯白礬半錢乾姜末三捻共研細以銅筋點之○又方用生姜一塊搗爛生絹絞汁於磁器疑粉去上面清水乾研細以雄猪膽浸拌勻陰乾再研細點眼○治風爛眼用銅碌不拘多少以生姜一大

塊切作兩片剝孔銅碌在內仍前合定以線扎住濕紙包三四重灰火內煨一二時取出去姜出火毒研細先用溫鹽湯洗眼淨傳之甚效○治一切眼疾用雞子一箇剝竅去黃留清封竅以大蘿蔔一枚剝空入雞子在內閉竅封固仍種在地待結子後取出用清點眼極効蘿蔔并苗為末亦可治膈氣○又方用防風五倍子等分煎湯頻頻溫洗○治害眼上醫用五倍子煎湯以厚紙中剪如眼大一孔覆湯盞上以眼就孔令湯氣蒸眼冷則再熱蒸數遍愈○治眼中生醫用蘭香子七枚煎湯一盞服○又方用石胡荽

熟按內鼻中醫自落俗名鷲不食草○又方用芒硝置銅器中急火上鍊之放冷細羅點眼角中欲卧時二度點之○又方用馬牙硝光淨者厚紙裹安在懷內着肉處一百二十日取出研細入少龍腦同研極細不計年遠眼生醫膜昏暗不明但瞳人不破並醫得每點用藥末兩米粒許○又方用珊瑚為末每日稍稍點之即愈○又方用烏賊魚骨細研和蜜點之亦治牛馬眼中醫○又方用石決明去外面粗皮細研水飛點磨亦可漬水洗眼若青盲內障肝肺風熱宜服七孔九孔者良○又方用雀屎小直者以人乳

和傅目上消爛盡弩肉白膜若赤脉貫瞳人及青盲
點之極効○又方用白沙蜜半斤黃丹水飛過二兩
訶子四箇沉水者去核柳枝東南向者四十九條置
蜜內煉瀘過盛瓷器內將訶子黃丹入蜜內風爐上熬
順攪不許太過熬成金絲膏用手撚不粘為度又用
東南槐條折寸長一椀水三椀熬一椀將前膏解稀
用瓷器收貯密蓋頓放地上三日去火毒再用絹瀘
過方用忌雞犬婦人見不問遠年皆効及治諸般眼
疾昏花惟內障不治○又方於上藥內加青鹽半兩
別研烏魚骨二錢同熬成膏兼治內障眼及用黃連

末二兩水三椀就於熬藥鍋內熬數沸將鍋并槐柳
條洗淨上藥別用磁器收之專洗赤冷淚等眼○治
眼中赤障白膜風淚用青羊膽點眼中○治眼赤腫
醫痛用鯉魚膽點眼中○治目中膚赤或爛弦風痒
痛用覆盆子葉絞汁滴目中有虫出如絲線即效或
日乾為末綿裹用男孩乳汁浸少時點眼中○治目
花醫膜澁痛用貝子一兩燒灰細研入少龍腦點之
○又方專去醫用貝子十枚燒灰細研取豆大着醫
上卧如炊一石米久乃滅有瘕肉者加真珠末與貝
子等分點○治赤眼及睛上瘡用秦皮一兩水一升

於碗內浸春夏一食時看碧色出即以筋頭纏絲蘸藥仰卧點患眼仍先從大眦中滿眼着微痛勿畏良久三五飯之間即側卧瀝却熱汁每日十度以上着不過二日差○治風毒上攻眼腫痒澁痛或赤爛浮醫癢肉侵睛用五倍子一兩蔓荊子一兩半共為末每服一錢水二盞銅石器中煎及一盞澄去滓熱洗極効○治眼淚出不止用黃連濃煎汁漬綿乾拭目○治卒患赤目弩肉痛用好梨一箇搗絞汁黃連三枚細剉綿裹漬令色變仰卧注目中○治眼築損弩肉出用生杏仁七枚去皮細嚼吐掌中乘熱以綿裹

筋頭蘸點肉上不過四五夜即差○治目熱昏暗用黃連濃煎湯夜間點洗并服○又方用黃蘗方寸去粗皮新汲水一碗蜜少許同熬濃絲濾過日夜頻頻點洗○治眼兩眦赤爛用輕粉夜夜傳之自差○又方用瀝油於青膩石子上以古錢一文劄杖上磨令油清入膩粉調和塗在磁碗內以艾如雞子大一塊碗合勿着地燒煙薰之半日取出少少塗於赤爛眦上永差○治青盲用白犬子未開眼時取乳汁點之日三度半月依舊明朗○又方用玳瑁四分白蜜二合鯉魚膽一枚同煎三兩沸以綿裹少少點之須半

月見効○治目多冷淚者用烏雞膽內汁點之○治
眼睛無故弩出一二分用冷水注竹筒內灌漬之數
數自然內入平復如故○治眼昏用蔓菁子三升酸
酒三升同者熟曝乾為末以井花水服方寸匕日三
服無忌○又方用蔓菁菜花陰乾為末每服方寸匕
井花水調食後服○治眼日落不見物者名雀目用
定粉黃蠟各一兩消開入粉放定每用一錢以猪羊
肝二片切破入藥在內麻絲纏米泔內入茅根同煮
熟食之○又方用黃蠟不拘多少消開取出入蛤粉
和勻丸成毬子每用刀刮一二錢以猪羊肝二兩批

破摻藥麻纏定水一碗煮熟取出乘熱薰眼至溫冷
食之須臨卧服不過再三○又方用蒼朮為末每服
一錢不拘時候○又方用真正蛤粉炒黃為末以油
蠟就熱和丸如阜角子內猪腰子中麻纏蒸熟食之
可配米粥○治眯物入眼內不出用酥油少許隨眼
左右內鼻中低頭令流入眼中淚出其眯物自無○
又方用好墨清水磨濃滴入眼中即自出○又方用
新筆蘸水繳之即出○治內障眼用鯉魚膽同腦子
研勻貼太陽穴○治眼毛倒睫拔去卷毛用虱子血
點入眼中數次効○又方用穿山甲以竹篦子刮去

肉以羊腰窩脂去皮膜將甲炙黃用脂擦上數次擦
炙令蘇為末口噙水隨左右眼鼻內噙一字一月見
効○又方用木鱉子三箇酥炙木賊一百二十節地
龍二條去土赤龍瓜一百二十箇倒鈎棘針也共為
末先摘去卷毛每日以紙撚蘸藥噙之一日三五次
○又方用穿山甲炮地龍去土蟬殼五倍子等分為
末先摘去卷毛用藥一字隨左右鼻內噙之次日目
下如線樣微腫是驗也○治赤瞎用爐甘石二兩蜜
陀僧黃連朴硝各一兩先將黃連水熬成汁入童便
再熬後下硝又熬少時用火煨爐甘石紅黃連汁內

淬七次與蜜陀僧末同再研細臨卧貼之○治內障
用白丁香臘月收者佳水飛八錢黃連防風各一兩
新柳枝方一寸者三片用新水一升半雪水更妙春
秋浸兩三時冬月一宿銀石器內熬至六分去滓別
用蜜一斤蜜陀僧細末三字入蜜攪勻別熬以無漆
匙撩點下蜜中急攪候沸湯定一人攪蜜一人旋旋
攪藥汁都下在內攪勻再熬三兩沸色變用新綿三
兩重瀘去滓盛器中點眼如常每藥半合八片腦一
麥粒大不用亦可○治一切眼疾用黃連十兩麩仁
三錢去殼研杏仁七十箇去皮尖木賊七錢去節草

龍膽二兩去土以水一斗浸春秋三日夏二日冬五日入鍋內熬至半升瀝出再用水七升熬至小半升瀝出再用水五升熬至半升取出重絹瀝過微熬傾於碗內重湯煮為膏子盛瓷器內每用米粒大於盞內用水一滴濃化開以釵頭點之三五遍口內覺苦立効○治眼目昏花用甘菊花一斤紅樹去目六兩為末以新地黄汁丸如桐子大每服五十九丸臨卧茶清下○又方用爐甘石研代赭石煨醋淬七次黃丹水飛各四兩為末白沙蜜半斤用銅鍋煉去白沫更添水五六椀熬沸下前末以文武火熬至一椀用銅

器攪試將藥滴水中沈下為度以夾紙四重瀝於瓷器內貯密封不時點之有驗○治眼目昏暗淚出羞明怕日癢澁難開或痒或痛及遠年近日內外障攀睛瘀肉腎膜青盲並皆治之最宜常服用白羊肝一箇洗淨去膜黃連搗為細末將羊肝入沙盆內杵爛旋入黃連末拌研丸如桐子大每服四十九丸食後溫漿水下忌食猪肉蒜生薑苣冷冰等物○治眼倒睫用蝟刺棗棘針香白芷青黛等分為末左眼倒睫口噙水左鼻內嚙之右眼倒睫右鼻嚙之○治眼內弩肉用白礬為細末仰卧少少點之○治遠年風眼用

杏仁一十一箇去皮尖分作三分粉草一寸分作三分漱口淨將杏仁甘草各一分同嚼如泥吐於瓷盞內三分俱嚼爛用銅碌二錢研極細與前藥和勻以新汲水一盞漱口吐於藥內攪勻以帛瀝過澄清於眼大角點之立効勿令塵於藥內○治近年眼疾用銅碌研寒水石研等分為細末以五七沸滾水浸在藥內攪勻澄清將水面上藥膜掠去以清藥水於眼大角點之勿令塵入藥內立効○治日風眼寒及偏正頭疼夾腦風鼻出清涕目淚疼痛用石膏二兩炭火燒研細川芎一兩甘草半兩炙為末每服一錢葱

白好茶煎湯調下日二服食後○治一切眼目瘀肉攀睛風痒淚落不止用朴硝一斗以水半觀淘淨去土陰乾白丁香五升以水一觀淘淨去土攪細黃連半斤為末以水將硝香熬至七分淘出令經宿水面浮牙取出控乾以紙袋盛懸風中至風化將黃連細末熬清汁晒乾硝用猪膽和加蜜點之効○治一切風眼疼痛不可忍者用巖蜜一斤黃連一兩沒藥半兩黃丹二兩炒紫色入蜜同熬黑煎黃連成稠汁入二味藥內熬稠更入沒藥末同熬數沸瀝去滓洗甚妙○治一切疳眼赤爛目生翳膜內外障并小兒吐

利疳瀉用白藥子一兩甘草半兩為末用猪肝一葉
批開摻藥五錢水一碗煮熟食後服○治一切新久
赤目疼痛不能坐卧并大小人口瘡用胡黃連檳榔
各半兩麝香少許別研共為細末點之如口瘡每服
半錢麝香一字和勻貼之忌食魚猪油膩物○治赤
眼冷淚并頭風耳聾耳痒鼻塞聲重用乳香沒藥川
芎石膏雄黃各二錢盆硝半兩共為細末每用少許
啗鼻內牙疼亦即止○洗頭明目方用鳳眼草即椿
樹上叢生莢也燒灰淋水洗頭經一年眼如童子加
椿皮灰尤佳用正月七日二月八日三月四日四月

五日五月二日六月四日七月七日八月三日九月
二十日十月二十三日十一月二十九日十二月十
四日洗○治眼昏翳膜遮睛怕日羞明一切風毒眼
用羌活防風柴胡甘草炒等分為末每服二錢水一
盞煎食後服或薄荷茶清菊花苗煎湯皆可服忌諸
毒物○治眼昏常見黑花多有冷淚用枸杞子三兩
菝蓉酒浸炒二兩巴戟去心一兩甘菊花四兩為末
煉蜜丸如桐子大每服五十九食後温酒鹽湯下○
治風熱上壅眼赤澁睛痛多淚用赤芍藥當歸黃連
等分為末每服二錢用極滾湯乘熱薰洗冷即再温

日三五次○治去翳膜明目用潔白芒硝五兩置銷銀鍋內以新瓦蓋用炭火慢慢熬鎔清汁鉗出鍋傾汁在別器中凝潔如玉者方好研極細入龍腦等分點或吹鼻中立効○治肝經蘊熱眼目赤腫用荊芥穗當歸赤芍藥各一錢黃連七分水一盞煎三沸去滓洗○治風熱眼弦赤爛用乳香一錢半別研黃連半兩荊芥燈心一百莖每用二錢水二盞煎一盞瀝去滓熱洗○治爛弦風眼目痒痛時常出淚用黃連淡竹葉各一兩栢樹皮二兩一半生一半乾剉細水三升煎至五合稍冷洗爛處○治男子腎虛目昏視遠不明漸成內障用白茯苓八兩去皮枸杞四兩酒浸蒸當歸二兩酒洗青鹽一兩別研菟絲子酒浸蒸為末煉蜜丸如桐子大食前湯下七十九○治眼上暈用川芎連翹槐角各二兩白芝麻生去皮四兩為末每服三錢新汲水調下日三服勿間斷即効○治風赤眼痛用盆紉草搗膏為丸每用一丸浸湯洗之不過五七次立効○治眼昏活血明目用瓢搗豆為末每服一二錢濃煎甘草湯調服○治眼目昏暗用水銀草每服三錢入木賊少許水一盞煎八分去滓通口服不拘時○治目中赤膚用覆盆草葉絞汁滴

目中有虫出如絲便効又汁合膏塗髮不白○治積
年失明不識人用決明子為末食後以粥飲服方寸
七亦治青盲白膜赤痛淚出肝熱取葉作菜食之○
治赤眼用皺面五葉草并龍膽草同為末每服一錢
以熟羊肝蘸嚼服○治赤眼疼痛用乾姜為末水調
半錢服○治目疾但瞳子不壞者十療九愈用蔓菁
子六升蒸氣透以甑下熱湯淋曝乾還淋如是三遍
為末食上清酒服二寸七日再服○又方用蕪菁子
三升苦酒三升者熟日乾為末并花水服方寸七加
至三七日二服無所忌常服明目洞視肺腸○治赤

眼腫用梔子銅礪飛燕杏仁等分為末水調澄清洗
之○治眼昏用四月內收風落小胡桃每日午時食
飽以無根水吞一雙下偃臥睡覺鼻孔內有泥鯨氣
為度忌發眼熱物○又方用羯羊膽以珍珠末填入
懸屋西北角陰乾百日丸如小豆大一日服一丸久
則能視遠○又方用美酒五升以硃砂五兩浸五宿
曝乾研細蜜丸小豆大每服二十九丸久則明目輕身
去三屍除瘡癩○又方用杏仁七箇銅青三錢研細
蜜調貼碗內以艾一團燒薰之用漿水浸洗治一切
眼疾○治目昏不見物用楮桃荆芥穗各五百枚為

末煉蜜丸如彈子大食後嚼一九日三服薄荷湯下
○治風淚眼用秋王瓜一枚竹刀去瓢以盆硝裝在
瓜內懸背陰處下用瓦器接滴下硝水及每日掃取
瓜上霜亦用瓦器收貯點眼亦治風赤○治火眼赤
腫并腎用黃連槌碎黃蘗去蘘剉細各二兩水七碗
於銀銅器內熬至三碗去滓再熬成膏入少龍腦磁
器內收貯點眼○治風爛眼用銅青水調塗碗底以
艾薰成膏刮下塗爛處○又方用黃連不拘多少瓦器
水煎減半綿絹濾去滓以瓦盞盛姜湯瓶上蒸之至
汁少却入腦子少許淨器收貯點一切眼疾○治暴

赤眼用瓦瓶煎薄荷荆芥防風湯乘熱氣薰之仍以
手沃洗○又方用熱湯一器緊閉眼以手掬湯沃之
湯冷即止頻沃即安○治障翳諸眼用朴硝十兩湯
泡瀝過碗盛炭火熬乾置地上宿用黃丹二兩飛
過麝香半錢研細加腦子再研點眼內○治打傷眼
血侵睛用柰柳嫩枝生地黃猪肉同槌爛貼眼上○
治心間積熱眼有赤筋貫瞳人用玄參為末以米泔
煮猪肝蘸藥末細嚼就以煮肝汁嚥下○治諸般眼
疾用黃連當歸赤芍藥滑石為末湯泡洗若腎障加
石膏乳香秦皮風爛赤加蔓荊子五倍子去瓢湯泡

洗○治眼弩肉用臘月雄猪膽入馬牙硝在內風吹
乾為末入腦麝少許點之○又方用銅青白堊粉五
倍子同為末熱湯泡閉目熱洗冷再熱洗之爛弦者
最効○治熱赤眼用桑葉大黃荆芥朴硝等分為末
蜜調貼兩太陽穴上退熱血○治眼生翳障用栝樓
根甘草赤芍藥草决明等分為末每服一二錢臨卧
蜜湯調下

口疔

治口瘡用牛膝酒漬含漱○又方用五倍子末摻之
便可飲食○又方用薔薇根避風打去土煮濃汁温
含冷則易○治口瘡番白用桑樹汁先以髮拭口次
以汁傳之○治口瘡久不合用亂髮露蜂房蛇蛻皮
各燒灰存性每末一錢酒調服○治口舌生瘡爛用
黃蘗片含之或用醋漬含○治口舌及喉中生瘡爛
用蘘荷根酒漬半日含漱其汁○治唇上生瘡連年
不差用八月藍葉一片搗汁洗不過三日差○治口
舌生瘡胸膈疼痛用豉炒焦為末含一宿差○治口
瘡用白礬泡湯灌漱以銅碌麝香研末乾摻○又方
用乾姜黃連二味於口中細嚼流涎出○治大小人
口瘡久不効用附子為末醋調男左女右貼脚心自

愈○治白口瘡用巴豆三枚去皮不去油黃丹半錢同研如泥塗葉上如大碁子貼眉間須臾四圍瘡如蚕子去藥大効○又方用澱粉巴豆同研如泥如上貼眉間亦效○治赤口瘡用角蒿燒灰貼之○又方用黃蘗為末摻之有涎勿嚥下○治口瘡并風疳用晚蚕蛾為末貼之○治大小人口瘡并疳宣露牙齒并胸前瘡久不効用娥蒿燒灰為末塗之有津勿嚥下忌油膩角蒿是也○治名瘡用白楊樹枝火燒一頭焰出注於刀上取汗貼兩名上不過三度即差○治口乾用滑石碎之水煮數沸以新縣漬之口內含

嚥津○治口瘡用白礬一兩飛至半兩黃丹一兩炒紅色放下再炒紫色為度為末摻瘡上立愈○治口舌生瘡咽喉腫塞用蒲黃一兩盆硝八兩青黛一兩半以生薄荷汁一升同和勻甕觀盛慢火熬乾細研用一字或半錢摻口內良久吐出痰涎如喉中瘡痛用竹管吹藥半錢入咽膈內立効○治口舌生瘡兩唇腫裂用晚蚕蛾五倍子密陀僧各一兩為末每用少許乾傳瘡上有津吐去○治口舌生瘡咽膈腫痛用寒水石煨三兩辰砂二錢半別研生腦子半錢為末每以少許摻患處○治上盛痰壅唇口拆裂舌上

瘡用甘菊花枸杞子肉蓯蓉巴戟等分為末蜜丸如
桐子大每服五十九丸米飲下○治口舌生瘡用細辛
黃連等分為末先以布巾揩淨患處搽藥在上涎出
即愈○又方用礞砂火煨為末搽瘡即愈○又方用
檳榔燒灰存性為末入輕粉和勻搽○又方用膩粉
杏仁十粒去皮尖臨卧細嚼令涎出再用○又方用
草烏南星各一箇生姜一塊焙乾為末每用二錢臨
卧時以好醋調作臍子貼手脚心○治口瘡臭爛久
不瘥用黃蘗半錢螺青二錢研細臨卧置一字在舌
下不妨嚙津或以銅碌易螺青○治口内生瘡用朴

硝一錢寒水石煨一兩入少硃砂同研如桃紅色傳
患處嚙下不妨味苦加甘草○又方用五味子一兩
滑石黃蘗蜜炙各半兩為末每服半錢乾搽瘡上痛
甚者良久便可飲食○又方用礞砂瘡甚者加腦子
研黃蘗日乾薄荷葉等分為末生蜜丸如龍眼大每
服一丸嚙化○治急疔蝕口鼻數日盡欲死用海中
文蛤燒灰臘月猪脂和塗之○治口瘡用蚕故紙燒
灰存性為末傳患處○治唇勿燥痛用橄欖核仁研
傅○治口瘡用甘草白礬等分為末嚙化○又方用
吳茱萸為末醋調塗脚心○又方用朴硝五味子滑

石黃蘗蜜炙白礬枯黃丹炒寒水石煨延胡索等分
為末疼不可忍者摻上良久即愈

口氣

治口氣臭用白礬麝香為末擦牙齒上○又方用香
薷一把水一斗煮三升稍稍含之○又方用甜瓜子
為末蜜丸如棗核大每日洗漱畢含一丸亦以揩齒
○又方用丁香二錢甘草炙一錢川芎二錢香白芷
半錢為末煉蜜丸如彈子大綿裹每服一丸噙化○
又方用細辛煮液汁含漱

蟲物入口

治因熱取涼睡着有蛇入口中挽不出用刀破蛇尾
入生椒二三粒裹定須臾即自出○治飛絲入口用
紫蘇葉細嚼白湯送下即無恙○治狼煙入口即用
好醋飲少許解之

舌頰

治心脾熱舌頰生瘡用黃蘗蜜塗炙青黛各一分為
末入龍腦一字研勻摻瘡上有涎即吐出○治舌上
忽出血如簪孔者用香薷一握濃煎汁服亦治心煩
去熱○治舌腫用百草霜為末好醋調傅○又方用
亂髮燒灰水調方寸匕服○治重舌用繡鎖燒紅打

下繡為末水調一錢噙服○又方用百草霜為末蜜調傳患處立効○治心脾壅熱生木舌腫脹用玄參升麻大黃犀角各七錢半甘草半兩為末每服三錢水一盞煎五分溫服○治重舌用生白礬黃丹飛過五倍子等分為末蜜調塗舌上少頃以水漱之再塗以差為度○又方用蒲黃少許擦舌上即消○治舌腫硬用百草霜食鹽等分井花水調塗舌上愈○治重舌喉閉用朴硝白礬為末摻入口中○又方用好醋磨膽礬噙吐出涎愈○治舌忽脹出口外用雄雞冠上刺血瓦盞盛浸舌就嚥下即縮

牙齒

治齒痛用白礬燒灰露蜂房微炙等分水煎數沸熱漱冷即吐換○治齒痛及落盡用膽礬細研以人乳汁和如膏擦痛處或孔中日三四度止痛百日後復生齒每日以新汲水漱令淨○治齒腫痛及口氣用細辛煮濃汁熱含令冷吐出即差○治齒疳腐爛用棘針二百枚水二升煎一升頻頻噙漱○治齒疳痛不可忍嚼薰陸香嚥其汁差○治齒間血出用白礬煎湯含漱○治牙齒根動用生地黄濃煎汁漱飲○治牙疳用雄黃末蜜丸如棗核塞牙間○又方用蘆

蒼為末先以鹽揩齒令淨然後傅少末於上○治牙
痛燒牛膝灰塗牙齒間○治牙宣用礬石一兩水三
升煮一升噀漱○治牙痛多將蒼耳子濃煎汁含漱
○又方用山豆根一片含於疼處○治牙齲疼有虫
用雄雀屎綿裹塞孔內日一二次易之○治牙宣牙
癰用蚕退紙燒灰存性揩齲上○治牙縫出血用蟾
酥以紙撚子蘸少許於血出處按之立止○治齒齲
宣露用蚯蚓尿水和為泥火燒極赤為末臘月猪脂
和傅上日三永差○治牙疳用杏仁燒煙末盡研如
膏物裹內孔中○治牙齒虫孔痛用莽草為末綿裹

內孔中或於痛處咬之低頭吐津勿嚥○治風蟲牙
痛頰腫用莽草五兩水一斗煮五升軟含嗽吐之一
日盡○治風蛀齒齲齒用郁李根白皮水煮濃汁含之
冷即易吐出蟲○治牙痛巴豆一粒煨黃熟去殼用
蒜一瓣切一頭作蓋剝去中心可安巴豆在內以蓋
合之用綿裹隨患處左右塞耳中○又方用槐白皮
一握剉細醋一升煮去滓入鹽少許溫含之日三易
○又方用桃樹蛀屑一撮醋煎澄清溫嗽○治齲齒
用松脂如錐注孔內須臾蟲緣脂出○治虛氣攻牙
齒疼并血出牙齲痒痛用骨碎補二兩剉炒令黑為

末依常盥漱後揩齒上良久吐之臨卧用嚥之無妨
○治牙疼或蟲痛用獨蒜煨熟截破用頭熨痛處冷
即易○又方用雄黃乾姜各一錢為末口噙水左邊
疼吹右鼻右邊疼吹左鼻每用一字○又方用巴豆
肉一粒大蒜一瓣共研如泥攤於方寸紙上卷為筒
內於牙齒疼耳中○又方用貓兒眼草一捻爛搗湯
泡去滓含漱良久吐之不可嚥○又方用蓖麻子五
六箇麝香少許蒜鬚少許燒棗少許和搗丸如棗核
大綿裹塞耳內○又方用大戟火內燒熟放痛處咬
之○又方用黑豆一撮葱白三莖艾葉一捻川椒數
十粒并花水半碗煎七分就熱噙漱○又方用鶴虱
細辛白芷甘松等分為末拭牙上或煎湯噙漱○又
方用白芷姜黃細辛等分為末擦之○又方若諸藥
不効用甘草濃煎汁噙漱三五日定愈○治風蛀牙
疼用白芷細辛煎湯灌漱或用絲瓜燒灰存性擦之
○治風牙用細辛草烏等分為末擦之溫水灌漱○
治蛀牙用天仙子燒煙以竹筒抵牙上薰之○又方
用溫米醋漱出虫自愈矣○治走馬牙疳用紅棗一
箇去核包信少許以濕紙裹定火內燒并黃蘗共為
末貼牙上○治大小人牙齒腐蝕氣臭出血并口瘡

用鉛白霜銅碌各二錢白礬一塊為末以翎毛掃上
瘡以溫漿水漱之小兒不必漱○又方用鹹土不以
多少麝香少許以熱湯淋汁銀石器中熬乾刮下再
與麝香同研勻摻瘡上以紙貼神效○治一切牙疼
用貫衆鶴虱荊芥穗等分每用二錢加川椒五十粒
水一碗煎七分去滓熱漱吐去藥立效○治打動牙
齒用蒺藜根燒灰貼動牙即牢○治牙齒動搖用黑
錫半斤大鍋內鎔成汁入桑條灰柳木槌研合成沙
為末每日早晨如常揩牙後用溫水漱在盆內以水
洗眼能明目黑鬚鬢○又方用冷水化鹽數數含漱

其根復牢○又方用生地黃綿裹咋其汁漬齒根并
嚥津三五度差○治齒縫血出不止用生竹茹四兩
醋浸一宿少少含之不過三度血止○又方用五倍
子燒過為末傅之血止○又方用紫礦乳香白礬麝
香等分為末先以煖漿水漱過後少少上藥如有水
出即和藥更漱之夜乾貼○治牙中作孔虫食疼痛
用附子為末鎔蠟和丸塞耳內大妙○治牙疼用白
楊皮為末每服三錢熱醋調含之漱灌乃牙疼之仙
藥○又方用地龍去土玄胡索葶撥等分為末每用
一字綿裹隨左右痛於耳內塞之○又方用大黃末

紙撚隨左右痛處鼻內撚之立止口內先噙冷水○
又方用韶腦二錢硃砂一錢為末每用少許擦痛處
○又方用紅豆二錢花減少許為末隨牙疼處左右
鼻內搗之○又方用細辛白茯苓升麻葶撥青鹽石
膏川芎皂角去皮弦酥炙等分為末早晚刷牙溫水
漱之牙疼處更上少許○又方用巴豆去皮以針刺
於燈焰上炙令煙出薰牙痛處薰三五箇止○又方
用良姜一塊全蝎一箇為末先用酸漿水漱牙次以
藥末擦之流下涎水即愈○又方用花減填牙坑痛
處立止○又方用白礬滾湯泡溶熱漱○又方用丁

香葦撥蝎稍大椒等分為末每用少許以指蘸藥擦
於痛處有津吐出○又方用細辛半兩白芷烏頭各
一兩乳香三錢為末每用少許擦牙痛處引涎吐之
須臾以鹽水灌漱○又方用草薺良姜胡椒細辛等
分為末每用少許噙溫水隨痛處鼻內搗○又方用
盆硝別研二錢雄黃別研一錢大蒜二枚細辛皂角
四錢為末用大蒜搗為膏丸如桐子大每用一丸綿
裹左邊牙疼放在左耳右邊牙疼放在右耳內良久
痛止取出一丸可治數人○治風牙虫疼痛不可忍
用良姜草烏去皮細辛荊芥穗等分為末每用少許

於痛處擦之有涎吐出不得嚥良久用鹽水灌漱其痛即止及用腐炭末一半相和常時揩牙○治患牙取牙落不犯手用草烏萆撥各半兩川椒細辛各一兩為末每用少許揩在患牙處內外其牙自落○治牙搖動牢牙去風冷用大香附子炒黑三兩青鹽半兩別研為末和勻如常法○治一切牙疾牢牙去風蛀齧宣露用槐枝柳枝各截四十七莖剉細皂角不蛀者七枚鹽四十文重同入瓷瓶內固濟糠火燒一夜候冷取研揩牙用如常法○治牙宣疼甚用萆撥胡椒良姜乳香細辛麝香青鹽雄黃等分為末先以

溫漿水刷淨後用藥末於痛處擦追出頑涎休吐漱數十次痛立止忌油膩一二日極効一方用青皮兌去乳香細辛青鹽雄黃○治牙疳用米二停鹽一停盆減麝香少許白礬相合水拌勻紙裹燒焦黑為末貼藥立止○常用刷牙藥用地骨皮二兩酒浸一宿鼠粘子一兩半炒細辛酒浸青鹽各一兩為末入麝香少許每用一字臨卧擦牙茶酒漱良久吐出○又方用石膏細辛柳樁等分為末擦之○治牙疼用露蜂房煎湯漱○刷牙藥用香附子炒熟大黃煨各一兩以椽子二十箇內一十八箇裝滿青鹽於砂器內

單擺碗蓋燒存性與生橡子二箇并香附大黃同為末每日刷牙掠鬚鬢○治齒疔用胡荽子五合水五合煮一合含之愈○治大小人牙疔用雞腸草爛搗貼患處○又方用雙頭蓮即催生草爛搗貼之○治食酸物齒齲用胡桃肉細嚼解之○治腎虛齒痛用生地黄川芎各一錢為末塗齒根上○治牙疼用青蒿一握水一碗煎半碗溫漱之疼即止○又方用良姜草烏為末揩齒有涎即吐出以鹽湯漱口

鼻疾

治鼻塞不通用小薊一把水二升煮一升去滓分服

○又方用葶澄茄半兩薄荷葉三錢荊芥穗一錢為末煉蜜丸如櫻桃大每服一丸噙化嚥津○又方用菖蒲阜角等分為末每用一錢綿裹塞鼻中仰卧少時○治鼻中瘡用杏仁研如膏以乳調塗之効○治鼻流濁涕不止名曰鼻淵用辛夷仁半兩蒼耳子炒二錢半白芷一兩薄荷葉半錢日乾為末每服二錢用葱茶清食後調服○治鼻齲腦塞眼昏用青甜瓜莖為末吹鼻中亦治鼻中瘰肉○治鼻齲用阜角炙為末如小豆許以竹管吹入鼻中○治鼻齲腦塞眼昏用陳瓜蒂一分為末以羊脂少許和傅瘰肉上日

三○治鼻齰鼻用乾姜末蜜和塞鼻中○治鼻中瘰肉用白礬燒為末面脂和綿裹塞鼻中數日肉隨藥落○治鼻齰肉鼻痔用雄黃白礬細辛瓜丁等分為末搗入鼻中○治久患鼻瘡濃血臭者用百草霜研細冷水調服三錢○治膽受熱血妄行鼻中衄蟣并血汗不止用硃砂水銀麝香等分為末每服半錢新汲水調下不拘時○治鼻赤如瘤用硫黃輕粉細辛乳香等分為末井花水調擦○治鼻頭赤用雞心檳榔硫黃等分片腦少許共為末以糲帛裹時時於鼻上擦磨又加蓖麻子肉為末酥油調臨卧少擦於鼻

上終夜得聞其氣効○治鼻中肉螻蛄用赤龍瓜苦丁香各三十箇苦葫蘆子不以多少麝香少許為末以紙撚子點藥末用○治鼻中外鼓瘤膿血出用蜂房炙為末酒調方寸七日七服○治鼻面酒皰皰用鷓鴣屎一合研以臘月猪脂和每夜傳之○治鼻疳及鼻中生瘡用黑牛耳內垢膩傳之○又方用杏仁為末人乳調傳○又方用紫荊花乾為末貼之○治鼻流清涕不止用葶藶末吹鼻內即止○治肺風鼻赤用硫黃白礬等分為末以茄子汁調塗○治鼻中生瘡用玄參水漬軟塞鼻中或為末塗之○又方用

枯礬末塗之○治酒齜鼻赤用橘子核微炒為末每服一錢七研胡梅肉一箇同以酒調服○治鼻有瘰肉喘息不得用雄黃煉一塊如棗大塞鼻中不過十日瘰肉自出甚効

耳疾

治耳鳴用生地黄截如棗核大濕紙裹微火炒煨過塞耳數易之以差為度○治耳鳴及痒用烏頭燒灰菖蒲等分為末綿裹塞耳中日再易○又方用生烏頭乘濕削如棗核大塞耳中旦易夜易三日愈○治耳聾用雄黃硫黃等分為末綿裹塞耳中○又方用

菖蒲根一十巴豆一粒去心合搗作七丸綿裹塞耳內○又方用骨碎補削作條火炮乘熱塞耳中○又方用槐膠地龍煨熟綿裹塞耳中○又方用杏核燒微煙出打破取仁綿裹塞耳內○又方用驢油滴入耳中或蛇油蝟油皆好○又方用烏頭削如棗核苦酒中漬一宿稍乾塞耳中大効○又方用乾地龍一條貯葱尾中入鹽少許為水滴耳中○治聾多年不聞者用牡荊子一升酒三升淬之漬七宿去滓任性飲盡即聞大驗○治耳聾疼痛用百合日乾為末每服二錢食後溫水調下○治耳痛用菖蒲為末炒乘

熱裹塞耳甚驗○治耳內腫痛膿血出用白礬燒末入少麝吹耳中日三四度或綿裹塞耳中立差○治耳內有膿名通耳用猪藍子為末吹耳內不過二三次愈○治耳卒聾用巴豆一粒蠟裹針刺令通透塞耳中○又方用井遂如棗核大綿裹塞耳中却以井草於口中徐嚼○又方用樓子葱尖插耳內○又方用香附子為末以砂鈔煎蘿蔔種湯飯後臨卧服二錢乾蘿蔔亦得莫見鐵器○又方用凌霄葉爛杵自然汁灌耳內○治耳間疼痛流膿用鳩屎夜明沙為末吹入耳中○治耳濕用陳皮燒灰為末吹入耳中

○治耳聾用細辛為末鎔黃蠟和丸如鼠糞大綿裹塞耳中○又方用鼠膽傾入耳中○又方用草麻子五十箇去皮與熟棗一枚同搗丸如小棗大更入小兒乳汁就和每用一九綿裹內耳中覺熱為度一日一易如藥難丸日中曝少時○又方口嚙甘草一枚耳中塞二塊用綿裹○又方用全蝎四十九箇去薑泡濕以糯米半升於大瓦上鋪平將蝎鋪於米上焙令米黃為度去米不用又切生姜四十九片每片放蝎再焙姜焦為度去姜不用將蝎碾為細末三五日前每日先服黑錫丹三五服臨服藥時夜飯只半飽

看人酒量勿令大醉酒調服畢令其睡切無叫醒待
熟睡久却輕喚如不聽得濃煎葱白湯一碗令飲耳
即鳴○又方用蒼朮一塊長七分將一頭截平一頭
削尖將尖頭挿耳內於平頭上安筋頭大艾炷灸之
輕者七壯重者灸十四炷覺耳內有熱氣者効○又
方用驢脂和生椒熟搗綿裹塞耳中○又方用杏仁
七箇去皮研碎分三處入鹽一小豆許綿裹以器盛
於飯甑中蒸之候飯熟取出令患人側卧和綿將一
裹捻油汁滴入耳中良久又以一裹依前法○又方
用附子削尖醇醋微火煎良久塞耳中○又方用水

蘇葉生搗綿裹塞耳中○治耳聾鼻塞用乾柿三枚
細切粳米三合豉少許煮粥空心服○治腎氣虛損
耳聾用鹿腎一對去脂膜細切於豉汁中入粳米二
合煮粥以五味調和空腹食之作羹及酒服並可○
治底耳用桑螵蛸一箇慢火炙八分熟存性入麝香
一字為末每用半字搽耳內如有膿先用綿包子搽
去後搽藥末極效○又方用枯白礬為末填於耳中
立效○治耳內卒痛聾塞用菖蒲附子炮去皮臍等
分為末醋糊丸如杏仁大綿裹置耳中日二易之○
治聾耳出膿及黃水用白礬煨一錢胭脂一字麝香

少許研勻以綿杖子纏去耳中膿水即用別纏杖子送藥入耳中令到底搽之即乾或加龍骨○治聾耳及聾用鷲尾罌填耳內亦用膏灌之○治耳聾久不聞者用紫磁石一塊如豆大穿山甲燒存性為末一字以新綿裹塞於患耳內口中嚼少生鉄覺耳內如風雨聲即愈○治兩耳虛聾用白茯苓二兩山藥炒三兩杏仁炒去皮尖兩半黃蠟一兩將三味為末研勻鎔蠟丸如彈子大鹽湯嚼下○治耳熱出汗用滑石爛石膏防風天花粉各一錢腦子少許同研為末搽耳中○治聾耳有膿出不止用五倍子焙乾一兩

及全蝎燒存性三錢為末搽耳中○治百虫入耳用香油灌入耳中○又方雞冠血滴入耳中○又方用驢牛乳灌入耳中○又方用韭汁灌之若腦痛以桃葉熟按塞兩耳或用葱汁生姜汁灌耳中○治蜈蚣入耳用猪肉一塊炙熟掩耳○治飛蛾入耳用醬汁灌耳中又擊銅器於耳傍○治蟻入耳中燒穿山甲末水調灌之○治水入耳用薄荷研汁點入立効○治耳中有物不可出用細麻繩剪令頭散蘸好膠入耳中着物上粘之徐徐引出○治小虫蟻入耳挑不出者用燈心浸油釣出○治諸虫入耳用蒼耳草

搗自然汁灌少許於耳內虫即傾出○治蜈蚣入耳
用龍腦少許吹入其虫即化為水○又方用羊乳酪
灌之亦化為水○又方用黑驢乳灌耳中○又方用
猫尿灌耳中立出取猫尿用盆盛猫以生姜擦牙○
治虫入耳用椒末一錢醋半盞浸良久少灌之虫
自出耳○治風虛耳聾用柘木白皮及東行根白皮
煮汁蘸酒服有驗○治耳有膿用桑螵蛸一箇慢火
炙存性麝香一字研細以綿杖纏去膿血搽半字入
耳立効○治耳中出血用龍骨為末吹入耳內○治
耳中濕潤及出膿水用炒黃丹枯白礬各一兩凌霄
花赤芍藥各二錢為末吹入耳中如未乾加五倍子
焙二錢全蝎五箇胭脂一字為末吹入即乾○又方
用生白礬末吹入耳中日三次立効

衛生易簡方卷之七

衛生易簡方卷之八

頭面

治頭面腫大疼痛并喉痺用殭蚕一兩大黃二兩為末姜汁丸如彈子大每服一九井花水入蜜少許研食後徐徐呷飲○又方用砭針刺腫處出血立效○治腦宣用皂角去皮弦子蜜炙槌碎水搽汁熬膏噓鼻內口咬筋良久涎出為度○治面風用益母草灰麩湯和燒七次洗面用之○治頭上乾濕癬瘡用白礬為末酒調塗之○治大小人腦疽用枳殼半箇去瓢以生姜自然汁調飛羅麩成膏填殼內蓋瘡上糊

北住待瘡愈取之○治頭上瘡用海螵蛸白膠香各
二錢研細入輕粉半錢再研先以清油潤瘡却將藥
末乾摻瘡上只一次便可甚者二次○治大小人頭
上軟癬用桃樹上霜打不落乾桃子名桃奴為末油
調傅○治軟癬流膿不愈用爛船底油灰為末油調
傅極効○治一切風熱上攻頭面浮腫生瘡及偏正
頭風用柴胡羌活當歸防風川芎甘草等分為粗末
每服三錢水一盞姜三片煎七分去滓溫服○治頭
上風屑極痒以藜蘆根不拘多少為末先洗頭避風
候半乾用藥摻擦在頭皮上却束髮緊縛兩日夜○

治面瘡用平胃散以冷水調塗之○治面疔用杏仁
去皮搗和雞子白夜卧塗面明早以煖酒洗之○治
面上點黑子用李核仁去皮細研以雞子白和如錫
塗至晚淡漿洗之後塗胡粉不過五六日効○治面
上疔疔用白附子為末臨卧先以漿水洗面後以白
蜜調末塗紙上貼之漸次自落○又方用白殭蚕為
末如上貼之○治面上黑痣用寒食前後取桑條燒
灰淋汁熬成膏塗痣自落○又方用烏梅為末唾調
塗○又方用茯苓為末以白蜜調塗亦落○治面上
白駁用鰻鱧魚皮炙令脂出塗之○又方用官桂為

末唾和傅之○又方用蘿摩草拭之自然除去○又方用蛇蛻皮熟摩棄草中○又方用半天河水洗之即空樹中及籬頭水也白駁即癩風○治面上癩靨用淨地上種鐵掃帚一株待黃落後去莖掃地上葉子并根共煎湯澄清洗面三四次其癩自消○又方用木蘭香一斤三年米醋浸令沒百日出曝乾為末以傅之每日亦服方寸匕○又方用雞糞白為末塗之○又方用白殭蚕衣魚鷹屎白等分為末以面膏和塗滅一切瘡癩痕○治滅癩痕及雜瘡用寒食飯研傅之○治面上疔胞及婦人黑胞如雀卵色用白茯苓末蜜和傅之○治面上多黧黯如雀卵色用穀羊膽一枚酒二升煮三沸以塗拭之日三度差○治年少面起細炮用浮萍按盒之亦可搗汁飲少許○治面上粉刺用菟絲子搗絞汁塗之差○治豆瘡癩并黧黯瘡鼻用蜜陀僧為末乳汁調塗効○治疔瘡生身面上用葵根燒灰和猪脂塗之○治面耐風日用臘月猪脂常摩面上經風日不變○治頭上白屑用山豆根末油浸塗如小兒即以乳汁調半錢傅○治頭瘡白禿用雞窠中草和白頭翁草燒灰存性為末猪脂調傅○治疥癩用赤小豆為末以雞子清調

塗○治眉毛脫落用七月烏麻花陰乾為末生烏麻油浸每夜傅之○治頭瘡用大筭殼葉燒灰入少膩粉生油調傅○治黥黥風刺用苦參一斤紅芍藥冬瓜子各四兩玄參二兩為末每用一字手洗面上○又方用白附子白芨白歛蜜陀僧白茯苓胡粉等分為末淨洗臨卧以乳汁調一錢塗面旦洗光淨牛乳亦可○洗面黥藥用猪蹄一副去黑熬膏入蜜二大匙白芷瓜蒌白芨白歛茯苓藿香各一兩梨二箇再同熬至滴水不散濾過臨卧塗面次日將水洗之○治頭面上瘡用鑿子底黑煤以小油打成膏攤紙上貼瘡面上少用恐有黑痕○治眉煉頭瘡用小麥燒黑存性為末以小油調塗瘡上○治厭面用蕎麥稽一擔不爛香燒灰存性入石灰半斤用熱水淋汁以鐵器煮漆匙攪成膏子於厭上點自出或先以草莖刺破亦可○又方用桑柴灰石灰淋汁熬膏草莖刺破點以新水沃之忌油膩等物○治頭上生瘤子用蛛絲勒瘤子根三二日自然退落○治頭面上瘡用雞子黃熟煮炒令油出以油和輕粉傅之○治白禿瘡用山豆根水研傅

髮鬢

治髮落不生用麻子一升熬黑壓油傅頭則髮漸長
○又方用楸葉搗汁每日塗之自出○又方用羊屎
塗之漸出○治髭髮脫落能令再生用黑附子蔓荊
子栢子仁各半兩為末烏雞脂和搗研乾置瓦盒內
封固百日取出塗在髭髮脫處三五日即生自然牢
壯不脫○治黑髭髮用自已亂髮洗淨每一兩入椒
五十粒泥封固入爐大火一煨如黑糟細研酒服一
錢七髭髮長黑○治鬚髮白用覆盆子榨取汁合成
膏塗之太白○又方用金櫻子和鐵粉研拔去白髮
傅之再出黑者亦可染髮○治年少髮白拔去白髮

以白蜜塗毛孔中即生黑者若若不生搗梧桐子塗上
必生○治髭髮乾燥用小麥麩半升半夏湯洗沉香
半兩水二椀生姜一兩和皮細切同煎去滓取清汁
入腦麝少許攪勻洗髭髮自然潤澤○治髭鬚黃赤
一涿即黑用生姜半斤生地黄一斤各淨洗研自然
汁留滓以不蛀皂角十莖去黑皮并筋於前藥汁內
蘸炙黃再蘸炙汁盡為度却將藥滓同入確內用火
煨存性為末以鐵器盛末三錢湯調停三日臨卧將
藥蘸髭鬚即黑○又方用熊脂塗髮梳之散頭入床
底伏地一食頃出便盡黑不過一升脂驗○又方用

酸石榴五倍子芝麻葉同杵碎絹袋盛於鐵器內盛
浸掠髮自黑○治鬚髮白用赤石脂川椒辰砂茯神
乳香各一兩為末棗肉丸如桐子大空心酒下三十
丸兼明目延壽老少皆可服○治髮落用生姜皮人
參各一兩為末每用生姜片蘸藥於落處擦之二日
一次用

手足

治手足忽發瘤用白梁米作粉鐵鑊熬赤以衆人唾
和塗厚一寸即消○治手足有傷而犯惡露則不可
治惟用薤白爛搗以帛裹之火烘極熱去帛傳上以

帛急裹冷即易亦可作餅安瘡上以艾灸之使熱氣
入瘡中水下差○治手指忽腫痛名代指用烏梅仁
杵碎以苦酒和將患指漬其中須臾差○治指掣痛
用醬和蜜溫傳之愈○治手足指頭害久不愈用雄
黃研水塗數次即愈○治甲疽弩肉裹甲膿血疼痛
須剔去肉中甲或成瘡不差用乳香末膽礬燒研細
等分傳之肉消愈○又方用牡蠣厚處生研細為末
每服二錢研靛花酒調下如癰盛已潰者以末傳之
更服藥日三服○治甲疽或因割甲傷肌或因甲長
侵肉成瘡腫痛復緣靴窄研損四畔黃水浸淫五指

俱爛漸引上脚如火燒瘡用綠礬五兩置鉄板上火
煨礬沸如金汁者良沸定汁盡去火待冷按為末色
似黃丹先以鹽湯洗瘡拭乾傳之○治臂腿脛痛用
虎脛骨四兩粗搗熬黃羚羊角屑二兩芍藥四兩剉
細無灰酒浸春夏七日秋冬倍之每旦空腹飲一盃
冬間速要服以銀器盛於火爐中煖養三兩日即可
服不計深淺皆効○治寒足跟凍爛用五月五日午
時以姜葱艾指一時許更不再發○治脚指腫爛如
火燒瘡用綠礬飛過為末先以鹽湯洗瘡拭乾傳之
○治足筋急痛用生姜半斤搗如泥貼裹痛處○治
遠行脚打成泡用水調生麵糊貼過夜即乾不可穿
破○治手足皴裂血出疼痛及冒涉凍凌面目手足
皴壞疼痛用猪腦髓煮熱酒中洗之差○治手足皴
裂用獺四足燒灰蜜調塗○又方用鵝尾墨塗擦○
治凍瘡及拆破瘡用臘月新死鼠一枚油一升煎之
令爛絞去滓再煎成膏塗○治煉脚瘡用茄根并枯
莖葉煮湯漬之茄不可多食動氣發痼疾○又方用
熱醋湯洗研藕貼之○又方用五倍子煎湯洗○又
方用乾姜燒灰為末傳之或用雀腦髓塗凍破處○
治脚裂拆用藕爛蒸研如泥傳之○又方用五倍子

為末和猪脂成膏入裂內或用牛髓和填縫內即好
○治凍瘡用黃蘗為末乳汁調塗○又方用山藥少
許於新瓦上生磨為泥塗之○治手足裂用白芨不
拘多少為末水調塗裂處○又方用頭髮一大握桐
油一碗於瓦器內熬候油沸頭髮鎔爛出火攤冷以
瓦器收貯勿令灰入每用百沸湯泡洗皸裂令軟拭
乾傅上即安一方加水粉○又方用瀝青二兩黃蠟
一兩共熬攪勻瓦罐盛貯先以熱湯洗令皮軟拭乾
將藥於慢火上畧炙鎔傅之○治手足皸裂春夏不
愈者用生姜汁紅糟鹽臘月猪脂共研爛炒熱擦入
裂肉一時雖痛少頃便皮軟皸合再用即安○治脚
指縫爛瘡用搨鵝時取鵝掌黃皮焙乾燒灰存性為
末濕則摻之○治臂腫并腕疼痛用死蛇一條煮取
濃汁用大筒盛滿浸痛處冷即再煖浸不過三次愈
○治脚脛風搖用烏頭一兩炮裂附子二兩炮麻黃
四兩去節同為末煉蜜丸如桐子大每服五丸空心
酒下日三服忌熱物○治脚痛成瘡用水蓼煮湯頻
淋洗瘡乾自安

癰疽

治發背用活蝸牛一百箇內淨瓶中以新汲水一盞

浸之封繫自晚至明取蝸牛放之其水如涎將蛤粉調雞翎掃瘡上日十餘度痛止瘡愈○治癰腫發背乳房初起微赤用栝樓搗末并花水調方寸七服○治癰腫用伏龍肝以蒜和作泥塗貼乾則再易○治發背用甘草末三兩大麥麵九兩好酥少許和勻百沸湯溲如餅方圓大於瘡一分熱傅腫上冷則換已成膿水自出未成腫便消○治腫毒用牛蒡子根入鹽花搗搗腫上○治發背諸癰腫未有頭者用濕紙搗上先乾處便灸之先疼灸至不疼先不疼灸至疼○治癰疽惡瘡膿血不止用地骨皮洗先刮粗皮專

刮細白穰以粗皮與地骨煎湯淋瘡令膿血盡以細穰貼之効○治癰疽發背乳房用茱萸一升搗爛苦酒和貼○治癰疽發背乳房初起微赤用苧根搗傅之數易○治一切癰腫風癩用芭蕉根搗傅乾即更上日易三四次無不差者○治惡毒癰腫連陰及小腹疼不可忍者用茴香苗葉搗汁一升服日三四用其滓貼腫上冬間根亦可用極驗○治一切腫用紅花搗汁服之不過三服便差○治乳癰用生地黄搗汁傅之熱即易無不効○治乳癰腫痛甚用白姜石為末以雞子白和如餵傅腫上乾則易之亦治疔腫

○又方用榆白皮和雞子白搗傳立差○治瘡癰蛇
虫等毒用青黛大黃末雞子清調塗○治癰毒無頭
用蜀葵為末傳之○治發背癰疽已成者用龍葵一
兩為末麝香一分研勻塗瘡上○治一切癰腫無頭
用葵子一粒新汲水吞下須臾即破如要兩處破服
兩粒要破處多逐粒加之驗○治諸腫毒用大黃末
飛丹米醋調塗○治腫毒惡瘡用久陳米蒸作飯和
醋研封腫上立差○治癰腫未成膿用牛耳中垢封
之愈○治癰腫諸瘡已成膿不得破用雄雀屎一枚
末傳之立効屎頭尖及堅者乃雄○治癰發數處用
牛糞燒灰以雞子白和傳之乾即易○治癰一切腫
未成膿用白牡蠣為末水調塗乾更上○治凡腫毒
已潰未潰用鯉魚燒灰醋調塗以差為度○治癰腫
惡瘡用露蜂房燒末醋調塗乾更上亦可煎湯洗○
治癰已有膿當壞用醋和雀屎傳癰頭上如小豆大
即穿○治諸腫失治有膿用蛇蛻皮燒灰水和封腫
上即膿出○治熱毒癰腫用赤小豆為末雞子白調
塗小兒急黃爛瘡煮汁洗不過三度差煮食令人美
食開心孔去煩熱止小便數○治一切腫毒用大豆
和飯搗塗及煮食之亦下熱氣解諸藥毒消腫和桑

汁煮下水鼓腹脹○治一切癰疽用冬瓜削一大塊
置瘡上熱則易之分散熱毒氣甚良○治發背欲死
用冬瓜去蓋合瘡上瓜當爛截去更合之瓜未盡瘡
已斂小矣即用膏藥養之○治癰腫癰毒內攻未出
膿者用葵子水吞三五枚遂作竅膿出一方吞葵子
百粒當日瘡頭開○治癰毒無頭用蜀葵杵傅之○
治腫毒用粢米粉熬黑雞子白和如泥塗帛上貼之
帛作竅以洩毒氣易之效○治發背用石葦炒為末
冷酒調服○治癰疽發背乳房初起微赤用黃蘗末
和雞子白塗之○治一切腫毒用白斂赤小豆莽草
為末以雞子白調塗又白斂療湯火瘡生肌止痛○
治石癰堅如石不作膿者用生商陸根搗爛塗乾即
易之○治乳石發動小便閉澁心神悶亂用船底青
苔如雞子大以水一盞煎五分去滓溫服日三四服
○治一切熱毒腫用樟柳根和鹽少許爛搗傅之日
再易○治癰腫喉痺蛇虫狂犬等毒並宜用紫荊煮
汁服之亦可洗○治腫毒已潰未潰者用鹿角膠一
片水漬軟貼腫當頭上開孔若已潰還合者膿當被
膠急撮出盡未有膿者腫當自消矣○治發背初生
用升麻三兩為末水三升煮一升分三服不拘時便

定○治一切癰腫發背初出疼痛難忍用括樓根為末每服三錢井花水調下不拘時又以唾調貼之○治發背疽有膿用括樓馬齒草蛇皮燈草胡桃仁共研以少許水攪勻地上掘一坑量瘡大小深五六寸置藥在內令患人以疽對坑仰卧四邊壅匝無令透風須臾膿水進入坑內其瘡便回大妙○治乳癰用地黃汁傅之一日數次効○治乳癰黑紫色硬如石用樟柳皮炙熟熨一宿可効○治乳癰成膿痛不可忍用蜂房燒灰為末每服二錢水一盞煎六分去滓食後溫服大効○又方用赤小豆莽草等分為末

苦酒調塗○又方用芝麻炒焦研如泥燈盞調塗日

換○治疽瘡初出赤腫用赤小豆生為末醋調塗不

過再塗瘡即消散○治發背對口腦疽疔腫惡瘡令

患者以手心掩背骨中指盡處膊上點穴以艾灸之

極効○治癰疽發背初起即用蒜一片厚二紙置痛

處以熟艾灸二七壯○治腫毒疼痛用香白芷末水

調傅○又方用白芙蓉葉晒乾同皂角為末水調塗

○治腫毒惡瘡先用連翹煎湯服即以白斂赤斂搗

如泥傅瘡上乾者用醋調○又方用迎春花為末酒

調服出汗即愈○治發背用生姜汁猪膽搗勻貼瘡

上仍磨好墨圍塗即効○治發腦疽用康楊樹上所
生蛾耳胡椒炒各五錢枯礬三錢共為末男子患用
妳女兒乳調藥女人患用妳男兒乳調藥傳瘡上若
瘡先潰開者以漿水洗之傳瘡邊有紅暈以細茶嚼
傳暈上一宿自消○治發背疼不可忍用龍牙草些
小水和搗汁飲之滓傳瘡上即愈○治一切癰腫惡
瘡初發之時用莽草葉陰乾為末以井花無根水順
攪成膏貼之乾則以雞翎再上水若惡心用末一錢
迎春花末一分冷水調服○治發背疔腫用川芎甘
草番白草各八兩千年石灰十兩共為末壯大八九
錢小弱一三錢冷水一椀以香油二三錢傾水椀內
其油自浮將藥末徐徐摻在油上務使藥末盖了油
沉水底為度去水存多半茶鍾銀釵調開隨服下於
暖處用綿衣盖覆出汗如瘡熱盛再服大汗之其効
如神○又方用臘月猪膽一箇裝陳石灰陰乾以紫
花地丁放在鐵罐裏炒成灰再以新猪膽一箇調前
藥先用茶清洗淨以鷲翎掃瘡上立効○治一切癰
腫瘡癤用露蜂房蛇蛻淨洗火炙乾并女子髮先以
油熬槐柳桃梅桑條約味出搗去下前三味熬成膏
用絹帛攤貼極効臙瘡用蠟紙攤○治一切腫毒用

小粉炒黑研細以好醋調傳○治發背癰疽惡瘡疔腫疥癬及遍身生瘡如蛇頭護膈膜用生白礬為末每一兩用黃蠟七錢鎔開和勻丸如桐子大每服十丸至二三十丸不拘時米飲或溫熟水送下如未破則內消已破則便合如服金石藥中毒亦宜服此又治嗽化痰用人參五味子湯臨卧服○治癰疽疔腫惡瘡用紫花地丁草連根與蒼耳草等分搗爛好酒一鍾絞汁溫服乾末酒調三四錢服甚效亦療黃疽○又方用野菊花蒼耳草各一握共搗以好酒一碗逗絞汁溫服淳傳患處仍令汗出即愈六月六日採

蒼耳九月九日採菊花陰乾為末酒調三錢服亦好

○治癰瘡及貼骨癰不破者不用針刀一服自透不移時累有驗用蛾口蠶乃出了蛾兒空蠶一箇燒灰以酒調服即透切不可兩箇三箇蠶兒燒服若服一箇只一箇瘡口服兩三箇即兩三箇瘡口切勿輕忽○治發背諸惡瘡疼不可忍用糞缸內底上青泥取出陰乾為末以新汲水調傳其上痛立止○治發背疔瘡便毒等證用川烏草烏各一箇新瓦一箇新汲水一桶將烏頭并瓦俱浸水內候瓦透將烏頭於瓦澁面磨成膏就磨藥手挑藥貼於瘡口周圍如未有

瘡口一漫塗藥如三四重紙厚上用紙條透孔貼蓋如藥乾用雞翎蘸水掃濕如此不過三度○治諸瘡口膿水不乾用白龍骨二分寒水石三分麝丹一分為細末乾貼瘡一料以六分為率○治瘡內有膿不能自出用白芍藥三錢川芎一兩白芷一兩輕粉三錢為細末瘡平者摻藥在上深者用紙撚蘸藥入瘡口內○治諸瘡口不合生肌用白歛赤歛黃藥俱炒各三錢輕粉一錢為細末用葱白漿水淨洗上藥○治背疽搭手腫瘡疔腫諸惡瘡用葱白馬齒莧石灰各一斤共濕搗為團陰乾為細末貼瘡如有死肉宜先用潰死肉藥○治諸瘡疽有死肉者用此潰之用炊飯尖半兩作三等一等半兩用巴豆二箇一等半兩入巴豆三箇一等半兩入巴豆五箇各研爛撚作白挺子先用二巴豆者內瘡如不潰再用三巴豆者又不潰用五巴豆者更用丹砂炒紅色摻瘡口追出青水其惡肉未盡至追出赤水是惡肉盡便用上藥貼之○治諸腫惡瘡用黃丹白礬飛各半兩為細末乾摻瘡口上用後藥貼之○用巴豆四十九箇另研慢火熬熟金脚信二錢雄黃三錢輕粉半匣硃砂麝香各二錢為末用黃臘一兩半化開將藥和成錠

子冷水浸少時取出旋捏作餅子如錢眼大將瘡頭
撥破每用貼一餅子次用膏藥封貼若瘡氣透裏危
者服後藥○用大黃一兩半甘草二兩三稜一兩半
山梔二兩半牽牛末二兩為末煉蜜丸如彈子大每
服半丸食後酒半盞研化服之忌冰水○治發背惡
瘡用懸萋一箇大黃金銀花皂角刺各一兩當歸半
兩剉碎以酒一碗煎七分去滓溫服如有頭者加鼠
粘子○治附骨癰及一切惡瘡用當歸半兩甘草一
兩山梔十二箇木鱉子一箇去皮為細末每服三五
錢冷酒調服○治肺癰喘急坐臥不安用桑白皮剉
燒甜葶藶歷隔紙炒各一兩為粗末每服三錢水一盞
煎六分去滓食後溫服以利為度○治肺癰吐膿用
桔梗一兩半剉炒甘草半兩剉炙為粗末每服六七
錢水二盞煎一盞去滓空心服須臾吐膿為效○治
一切腫毒用野葡萄根紅者去粗皮為末新水調塗
腫上頻掃新水腫自消散○治諸瘡腫無頭者用蛇
退皮於腫處貼之○又方用皂角刺燒灰陰乾為末
每服三錢酒調嚼葵子三五箇同吞下○治瘡口不
合用白斂定粉等分黃丹少許為細末洗淨瘡口乾
貼即生肌斂口○治諸腫毒疔腫惡瘡用稀筴草一

握入白礬指大一塊乳香少許葱白三莖姜一小塊
同搗酒二椀絞汁熱服滓傳患處得汗為効○治一
切腫毒癰疽潰膿未破者將濕紙蓋腫上看先乾處
是頭以藥一粒點之即破用新石灰木炭灰各六兩
牡蠣灰一兩無亦可三味合作一處用井花水三四
椀共滾數沸以紙二層放罇內瀝去滓澄清又熬
將剩一盞以硃砂一錢傾入鍋內合之待乾用刀頭
刮起以篋器盛之量瘡大小用神効待膿水出盡以
生肌藥收口○生肌散用寒水石不拘多少以鹽泥
包裹炭火煨之黃丹少許水飛過用皮紙擡於火上

烘乾色變為度共研極細用○治瘡初發背脇間未
辨癰疽即皮光赤疽則皮肉紋起不澤並以赤皮蒜
切片厚一分覆瘡正中以艾灸初痛灸至不痛不痛
灸至痛無不効者并一切惡瘡疥蛇虫沙虱溪毒并
研傳良○治癰疽發背用大金星鳳尾草葉根酒煎
服亦解硫黃丹石毒○治熱毒癰腫用杜天麻莖葉
搗傳之○治癰疽惡瘡用營實即薔薇搗傳亦服生
肌長肉○治發背欲死用雞腸草搗傳之○治癰疽
發背用五葉藤搗爛罇患處立差○治癰腫瘡毒狗
咬用腫見消苗葉爛搗貼之○治腫毒惡瘡用紫金

藤搗爛罨之○治腫毒用大黃末傅患處○治發背
番白草即海菖蒲和根搗爛罨患處立効○治癰疽
未潰用栝樓根同赤小豆等分為末醋調傅之亦治
消渴身熱煩滿傷暑○治癰疽惡瘡小兒丹毒腹內
熱結用連錢草搗汁服之立差○治癰腫熱悶口乾
用芭蕉根搗汁服及腫毒遊風研傅之○治暴赤腫
用榆皮三兩搗和三年醋渣封之日六七易○治諸
毒熱腫及蛇毒用馬兜零根水磨為泥封之日三四
易立差○治發背癰疽已成未成用乾柞木葉四兩
乾荷葉心蒂萱草根甘草節地榆各一兩為末每服
半兩水二碗煎半碗作二服早晚常服病愈為度○
治諸腫毒用生姜一塊面東擲過梁落地就於落處
陽日畫圓圈陰日畫方圈以姜蘸好醋於圈內磨取
地上泥於鉢內入大黃芒硝末同姜研爛傅腫處留
瘡口毒自出○治發背癰疽疔腫惡瘡用芝麻桿不
拘多少燒灰存性以滾水浸灰用木棒攪百十下少
時以草紙襯竹蘿淋汁盡再燒熟又淋過却澄清汁
入鍋熬約十碗熬至二碗却用新石灰研細不拘多
少裝磁罐內以前汁傾些入罐用竹木杖急攪一二
百下又傾餘汁入罐約四指高浸之勿令乾過三七

日用又可點麻子用時不可多只用一米粒許置紙上滲去汁水點毒瘡頂上即時腫消如腫或瘡破者用手按實硬處點此小即痊仍服托裏散用鹽霜梅多年者五七箇或十餘箇搗爛以井花水一碗逗勻生絹濾汁飲之即愈○又方用蕎麥灰灰條桿灰石灰旋風草灰其草於三月上旬丙丁日連根拔焙乾燒灰四味不拘多少務勻停每升灰用滾水二升泡於桶內淋出汁曬春三日夏二日秋四日冬五日入鍋慢火熬至七分復入小銅鉢內熬成膏入黃丹攪勻以磁器盛之如不濃添石灰攪不問年深久近無

名惡瘡癩癧疔層瘤子起出刺字用藥點之其効如神凡點惡瘡紅血出者再點至黑血出就用紙封瘡上即愈若點上就出黑血者難療痔瘡在內用紙裹藥點之起字用刀輕刮字書上塵垢以藥勻塗用紙封上三日冷水洗之鐵鍋熬藥起字不得○治貼骨溜牙癰一應膿水不乾者用穿山甲二十片麩半升同炒泡起後入牛蒡子四兩共炒黃色為度播去麩為末每服三錢好酒調病在上食後服在下空心服○治發背色黑不疼痛者用艾葉一斤雄黃硫黃各半兩水煮半日候溫傅之十餘遍若疼可療如不疼

出黑血者難治○治發背初生開不住用白鹽梅皂
角燒灰存性為末米醋姜汁調塗四圍連換即不走
開如發熱者以茶清調塗立効○治熱腫用山豆根
水磨濃汁塗乾即更塗○治發背腫毒乳癰惡瘡用
大黃白芷各四錢酒水各一鍾煎至一鍾服如惡心
先飲生姜自然汁少許孕婦無服老弱量減或加甘
草梔子各一錢已成者瀉下膿血○治背疽諸般瘡
腫用黑歷青白歷青杏仁不去皮尖各一兩輕粉一
錢乳香沒藥各一錢半雲香松香各二錢半石鐵白
內槌一千下成膏攪開定成三日修合不許陰人雜

犬見用紅絹攤貼不要留眼無分大小惡瘡治皆大
効○治乳癰用人牙齒燒灰細研酥調貼癰上○治
卒腫毒起急痛用大蕪菁根削去皮熟搗苦酒和如
泥煮三沸急攪之出傳腫帛裹日三易之○治一切
癰疽發背癰毒惡瘡用遠志洗淨去心焙乾為末酒
調二錢澄清服之以滓傳患處○又方用赤芍藥當
歸甘草等分為末每服二錢溫酒調下不拘時○又
方用川烏蚌粉草烏海金沙赤小豆天南星為末以
生地黄汁調塗患處○又方用木鼈子去殼半夏各
二兩水銀四兩草烏半兩於鐵銚內慢火炒焦為末

出火毒再研以水調傅瘡○治渴疾既愈之後須預
防發癰疽之患用忍冬草不拘多少根莖花葉皆可
用置瓶內以無灰酒浸糠火煨一宿取出曬乾入甘
草少許碾為末以所浸酒打糊丸如桐子大每服一
百丸不拘時酒飲任下一方用忍冬草水浸煎服○
治發背腦疽一切惡瘡用甘草半兩為粗末沒藥一
分研大瓜萋一枚去皮以無灰酒三升熬一升溫頓
服如服不盡作三次○治癰疽腫毒用黃蜀葵花鹽
摻收入磁器密封經年不壞每用患處傅之若無花
根葉皆可○治發背用厚朴姜製陳皮去白各三錢
瘡木米泔浸五錢甘草炙二錢入桑黃菰五錢同為
末瘡潰乾摻末潰油調塗神效○治發背肉潰及諸
惡毒衝心痛不可忍令人嘔吐并毒瘡並皆治之用
菜豆粉四兩乳香二兩同研極細每服二錢新汲水
濃調食後服

便癰

治便毒癰用冬葵子為末每服二錢七酒調三兩服
愈○又方初覺腫痛即用鐵秤錘於上按磨數次自
消散○又方用胡桃七箇燒過存性為末食前酒調
服不過三次○又方用鹿蹄草搗爛菴患處○又方

用生米粉生蜜調一合服休喫飯以利小便為度○
又方用皂角不蛀者燒過存性為末酒調方寸七服
立効○又方用皂角子七箇水吞服亦効○又方用
牡蠣大黃甘草各半兩懸萋一箇剉碎酒一大鍾浸
露一宿服之以利為度○治便毒等惡瘡用栝樓一
箇去皮生姜甘草各半兩牛蒡子微炒金銀花各三
錢不犯銅鐵器槌碎以酒一升煎數沸空心溫服微
利為度○治外腎癰瘡用抱雞卵殼黃連輕粉等分
為末以熬過清油調塗○治便癰用連翹當歸大黃
梔子芍藥鷲鷲藤各一錢水盞半生姜五片煎一盞
去滓溫服量力加減熱甚者加以利之○又方用大
黃三錢牡蠣燒一錢梔子甘草炙地龍去土各半錢
水盞半煎一盞去滓溫服以利為度凡癰癤無頭腫
痛服此宣通立愈○又方用黃蘗黃芩各一兩地骨
皮半兩乳香沒藥各二錢別研為末井花水調作膏
攤紙上貼腫處凡癰癤貼此消毒止痛

疔腫

治疔腫垂死用菊葉一握搗絞汁入口即活冬用根
極驗○又方用磁石為末好醋和封腫上根即立出
差○治疔腫及中風傷寒頭痛用蒼耳根葉生搗童

便絞汁冷服一升日三度甚驗○又方用蒼耳子燒
灰和臘月猪脂封腫上○治疔腫其者用附子末醋
和塗○又方用針刺四畔以石榴皮末着瘡上調麩
圍四畔灸痛為度調末傅上急暴經宿連根自出○
又方用端午採稀筴草為末酒調半兩服汗出愈一
方加乳香少許生白礬末一匙好酒一鐘調服忌涼
水魚腥無乾末用新草搗汁尤好○又方用白芨白
欵赤欵等分為末津調塗瘡上若止 瘡用一人津
調瘡多用三人津調服藥用繡鐵末 錢○又方用
蒼耳根莖苗子一色者燒灰為末用 漿汁調塗瘡上

毒根即出或藍靛調尤好或用前藥濾酒喫以滓傅
瘡○又方用蟬蛻殭蚕為末醋調塗四圍留瘡口俟
根出稍長然後拔去再用藥塗瘡最有功效○治魚
臍疔瘡用絲瓜連鬚葱韭菜石鉢內搗如泥以酒和
服以滓貼腋下如病在左手貼左腋下右手貼右腋
下在左脚貼左胯右脚貼右胯如在中則貼心臍並
用布帛縛住候肉下紅線處皆白則可為安如有潮
熱亦用此法却令人抱生恐其顛倒則難救○治疔
瘡用礶砂雄黃等分研細以生蜜就於角盒子內收
貯遇患先用銀篦挑破瘡口擠出惡血後用藥一豆

大安入瘡口內以紙花貼即効毒氣入腹嘔吐者即以滴乳半兩菜豆粉一兩為末煎生甘草湯調三錢時時飲之常令灌潤胸膈○又方用蟬殼七箇煨為末以蜜調搽瘡口○又方用土蜂房一小窠全蛇退一條全共盛器皿中黃泥封固火煨存性碾為細末每服一錢重空心好酒調服少頃腹中痛痛止瘡已化成黃水仍用大黃生姜甘草金銀花各一兩皂角針二兩瓜萋一箇好酒二升煎八分去滓服不拘時○又方用白殭蚕為末津調或醋調塗根自出大妙○治疔腫惡瘡附骨癰經年不効毒瘡用自死螳螂

燒存性為末以臘月猪脂和傅極効○治疔瘡用白礬四兩於銀石器內鎔作汁下黃丹二兩使銀釵攪慢火熬成紫色收起如有瘡先挑破周圍以唾津調藥塗上數度無令瘡乾瘡潰丁出看瘡顏色紅赤為効○又方用生蜜與隔年葱研成膏先將瘡周圍以竹篦刺破後用藥於瘡上攤之以緋帛蓋覆如人行二十里覺丁出然後以熱醋湯洗之○又方用苦蕒搗絞汁頻傅即根出蚕蛾出時切不可取物令蛾子赤爛蚕婦忌食苦蕒○又方用馬齒莧和梳垢搗封或燒灰和陳醋封根即出仍生搗汁服○又方用苦

苜搗汁傳甚効根即出癰未出膿用汁滴上立潰蓋
葉傳蛇咬根煮服治赤白痢骨蒸生搗汁飲不可同
血蜜食作痔疾○治疔腫惡瘡用蟾酥半錢輕粉麝
香各少許巴豆一錢去皮先將巴豆研如泥次下餘
藥同研極細以油紙裹定用時以針微撥破瘡貼藥
少許瘡自消散已成者亦追去毒即潰如癰腫成膿
無頭亦微撥破用藥二次便穿凡惡瘡不可不用○
又方用硃砂雄黃砒霜南星等分麝香少許為末用
竹針刺開塗藥即時黃水出瘡愈○又方用蟬退為
末蜜水調半碗飲之及以津唾調塗瘡上即潰○又
方用烏梅肉三四箇槌爛以帛緊縛在瘡上却將菊
花根苗搗酒飲之不飲酒者用湯次日晚去烏梅自
潰○又方用白礬五錢青黛三錢陳石灰三錢同研
至無聲每服三錢井花水半碗柳條攪千百下頓服
厚衣蓋覆良久用葱豉湯入醋少許極熱服得汗則
解○又方若初不知是疔瘡已經數日毒氣入裏用
雄黃鬱金各五錢巴豆去殼油半錢為末麪糊丸如
菉豆大每服七丸冷茶清吞下取利為度如未利再
服○治疔瘡疔不出者用巴豆去殼半粒磁石為末
以葱涎同蜜為膏傳上疔自出

癰癧

治癰癧用胡荽肉燒黑和松脂搗傳○又方用七月七日未出時收麻花五月五日收葉二件作炷子於癰上灸百壯○又方用狼屎燒灰傳之○治癰癧已破未破用牡蠣四兩甘草二兩為末每服一大錢食後臘茶同點日三服甚効○治癰癧內消用斑猫兩去翅足以粟米一升同炒米黃去米不用細研入薄荷末四兩研勻以雞子清丸如菉豆大空心臘茶下一丸加至五丸却每日減一丸減至一丸後每日服五丸○治癰癧腫硬疼痛久不差用狸頭蹄骨塗酥炙

黃為末每服空心粥飲調下一錢匕○治癰癧用水蓼子炒為末每服酒調二三錢下久則効○又方用馬齒菜陰乾為末以臘月猪脂和先以暖泔水洗瘡拭乾傳之日三易○治癰癧喉痺卒攻痛用白商陸根生搗捻作餅子置瘡上以艾灸三四壯○治癰癧發腫堅結成核用莽草一两為末雞子白和傳於帛上貼之日二易差癰疽未潰並宜傳之○治癰癧經年不差用玄參研爛傳之日二易○治癰癧并臙瘡用猫兒眼草不拘多少搗汁於無油鍋內慢火熬成膏入炒過黃丹半兩乳香麝香各二錢攪勻磁器收

貯瘰瘡破與未破用麥粒大艾炷四圍灸之然後貼藥乾即換攤藥用生青布臚瘡不灸貼藥後用雄黃樟腦麝香等分為末荆芥湯一鐘五更調服天明再服黃芩黃連梔子玄參薄荷木鱉子各等分水鐘半煎滾生下大黃再一滾去滓溫服○治療瘰用歷青不拘多少蓖麻子去殼同研成膏先以葱椒湯洗瘡淨用紅絹攤膏貼患處○又方用石灰一塊自辰晒至午將歷青在石上搥細口剥皮尖杏仁四十粒蓖麻子十四粒同搗為膏依前攤貼○又方用煙空中煙核珠為末油調搽○又方用姜石為末雞子清調勻雞

翎掃於瘡上并治癩背惡瘡○又方用鹿頂骨燒灰存性為末先以葱椒湯洗瘡淨拭乾摻藥或油調搽生肌○又方用連翹左纏藤即金銀花各半斤大甘草節四兩三味共為末每服一大匙酒調或茶湯調服忌雞魚油麩燒肉○又方用天門冬浸酒服藥滓傳瘡○又方用荆芥煎湯待冷洗瘡淨揀黑紫處以針刺破却用雄黃樟腦為末以芝麻油調搽三四次候黃水出盡未見日蚯蚓蠶雞子大一塊火內燒紅以穿山甲九片或十一片微炙共為末入乳香沒藥少許油調搽無不愈者○又方用梧桐子一錢半皂

角仁巴豆去皮膜油各一錢共研細於淨室中勿令人見以不語唾調藥捻成錠子如黃虫糞大陰乾每瘡用針刺開入藥一錠已潰者不針就入藥俱用紙糊封之不令透氣待膿水出或硬塊在內擠出惡物自斂口愈矣忌生冷油膩腥葷麪物○又方用乾姜為末以生姜自然汁打糊和作錠子黃丹為衣每日一次隨瘡大小入藥在內追出膿盡生肉為度如瘡口不斂用大黃末以葱白汁調搽即愈若瘡腫不破者用野菊花根搗爛煎酒服以滓貼瘡自消或不消瘡口亦自破依前用錠子追膿生肉斂口神効仍每

日服下藥二貼用人參黃耆當歸酒浸川芎防風白芷肉桂粉草桔梗厚朴姜製各等分每服四錢以無灰酒二盞煎一盞食後溫服滓再煎○又方用白朮檳榔甘草俱生用牽牛半生半炒熟郁李仁湯浸去皮斑猫糯米炒去皮足翅不用米防風各等分為末糊丸如桐子大早晚煎甘草檳榔湯送下每服二十九至一月後覺腹中微痛於小便中取下瘰子毒物如魚目狀已破者自合未破者自消○又方用斑猫去頭足翅赤小豆白殭蚕苦丁香白丁香磨刀泥等分為細末十歲已上服一錢二十已上服二錢五更

用新汲水一盞調下至辰時見効女人小便中男子大便中見赤白色三兩次為効當日服白粘粥不得喫別物大忌油膩患三四年者只一服七八年者再一服○又方用白膠一兩磁器內鎔開去滓再鎔以蓖麻子六十四箇作泥入膠內攪勻入小油半匙滴一點水中試軟硬得所量瘡大小以緋帛攤一膏可治三五瘡并治惡瘡軟癰皆効○又方用臘月猫糞以新瓦兩箇合在內用鹽泥固濟燒成灰小油調塗瘡口上○又方用礶砂乳香沒藥半夏輕粉赤石脂等分為末糯米粉丸如桐子大每服十九加至二十

丸臨卧阜角子湯下○又方用乳香砒霜各一錢礶砂一錢半黃丹半錢紅娘子十四箇去足翅為末糯米粥和作餅子如膏三錢厚貼瘡以麩糊封之如不破者艾灸七炷大者不過一月其核自下○又方歛瘡生肌用黃蘗不拘多少為末麩糊塗患處甚妙○治癰癧結核無首尾并一切惡瘡及諸瘡腫用沉香木香雞舌香各三錢薰陸香麝香各一錢連翹五錢為末每服二錢水一盞煎六分不拘時服○治熱毒癰癧腫痛已消瘡已破出膿水服此藥用紫參苦參各一兩連翹滑石各二兩丹參一兩半膩粉麝香各

三錢為末別用玄參一斤搗碎以酒三椀浸三日絞
汁去滓用皂角子三百枚煨熟為末和玄參酒熬成
膏漉前藥丸如桐子大每服一九黃耆湯下一日加
一九至患人歲數即住如四十則二十九止每日却
減一九瘡自乾有結肉消○治風毒結核癰瘰腫痛
用牛蒡子微炒何首烏各二兩薄荷雄黃各一兩麝
香牛黃各二錢半為末以皂角七挺水二升搥汁熬
膏丸如桐子大每服二十九黃耆煎湯下○治久漏
瘰癧發於頸腋間痒痛憎寒壯熱用白花蛇酒浸軟
去皮焙乾秤二兩黑牽牛半兩半生半炒用生犀鎊

半錢青皮為末每服二錢膩粉半錢研勻五更糯米飲調下
以利下惡毒為度十餘日再進一服可絕根○又方上藥取利
後服此補之用海藻洗石決明煨羌活瞿麥穗等分為末每
服二錢米湯調下○治癰瘰用丁香五十箇斑猫十箇麝香一
錢別研為末以鹽豉五十粒湯浸爛研如泥和前藥勻丸如
菉豆大每服五七丸食前溫酒下日進三服至五七日外覺小
便淋瀝是藥之効或便下如青筋膜之狀是病之根也忌濕麪
毒物○又方用荆芥穗僵蚕黑牽牛各二錢班猫二十八箇去
頭翅足糯米炒為末臨卧時先將滑石末一錢米飲調服半
夜時再一服五更初却用溫酒調藥一錢服訖如小便無惡物

行次日早再進一服又不行第三日五更初先進糯米稀粥湯却再進前藥一服更以燈心湯琥珀末一錢重服以小便利出惡物為愈○治癩瘰瘡破潰用獨角仙燒為末貼之大効○治卒患耳前後有瘡作核如杏核大小不等名馬刀瘡是癩瘰根用棗樹白皮貼瘡上以艾炷灸之覺熱痛者自消○治一切癩瘰瘡用雄黃三錢乳香一錢信半錢為細末糯米麩和作餅子如錢眼大已破者貼瘡上未破者灸三五壯貼上餅子用膏藥貼封至一月餘自然下如小毬兒如未下再用一餅必下○治癩瘰一切惡瘡消毒止痛活血潰膿去風生肌尤治杖瘡疔痛用桃槐柳枝各半斤當歸一兩

木鱉子半兩去殼黃丹一斤乳香沒藥各半兩別研極細先用好油三斤慢火熬續下三枝候焦搨去不用下木鱉當歸焦去不用冷定下黃丹乳香沒藥以槐枝攪丹性死再用慢火熬不住手攪滴水中成珠不散為度以磁器盛之旋攤用○治癩瘰結核用葶菜乾末和油煎成膏摩核上三五度差○治癩疽手足肩背壘壘如米色白刮之汁出發熱用蕪菁子熟搗傅之即止○治癩瘰并風毒赤腫用地松搗傅乾易之○治癩瘰不問已破未破用烏雞子頂上開竅攪青黃勻却以線繫班猫一箇去頭翅足入雞子中紙糊蓋之飯上蒸熟剝殼去班

衛生易簡方卷之八
衛生易簡方卷之八
九臨卧冷茶清吞下
用雄黃鬱金各五錢巴豆去殼油半錢斑貓七箇去翅嘴糯米炒變色為末麵糊丸如菉豆大每服五七丸臨卧冷茶清吞下

衛生易簡方卷之九

瘡癬

治卒得惡瘡人不識者用牛膝根搗爛傅之○治魚臍瘡毒腫用瞿麥燒灰和油傅腫上甚妙○治瘡疤將出用牛蒡子炒熟為末每服一錢荆芥二穗水一盞煎七分溫服如瘡膿已出更服亦妙○治惡瘡丹毒用苧根三斤水三斗煮溶每日塗之○治漏瘡瘡濕癬痒浸淫日廣痒不可忍搔之黃水出差後復發用羊蹄根爛搗酒調傅上一時間以冷水洗之目一傅差或用醋澱調黃水出者乾搽亦治白禿陰蝕疽

痔○治馬汗入瘡腫痛用生烏頭末醋調傳瘡口良
久有黃水出愈○治一切惡腫疥癬久不合者用血
竭蜜陀僧為末傳之○治諸瘡腫蛇犬咬用黃藥子
為末冷水調傳瘡上乾即再傳亦可服一二錢○治
卒得惡瘡不識者用苦竹葉燒灰和雞子黃傳之○
治惡瘡有虫久不差用栢節燒油傳之及傳馬牛瘡
疥○治惡瘡連痂痒痛用篇畜搗爛封之痂落即差
○治諸瘡用馬勃傳貼甚良○治熱瘡用蕪荑搗爛
和豬脂塗差○治一切瘡腫用紫荆木煎湯洗除血
長膚○治瘡腫用山慈菘莖葉搗為膏入蜜貼瘡口

上候清血出効○治遊風熱毒風癩惡瘡疥癬小便
壯熱用苦練皮煎湯浸洗○治風熱濕瘡痒痛用馬
齒莧四兩爛研入青黛一兩再研均塗瘡上乾再塗
○治惡瘡膿水不差者用黃蜀葵花作末傳之即愈
服之治諸淋○治瘡上有風水腫疼秘澁用葱葉乾
姜黃蘖煮湯浸洗立愈正月勿食生葱發面上遊風
燒葱和蜜食殺人○治五般瘡癬用韭根炒存性搗
末以豬脂調傳三度差○治諸瘡中風寒水腫痛用
韭白生搗傳之能生肌○治反花瘡用馬齒莧一斤
燒灰豬脂調傳之○治肺毒瘡如大風疾用桑葉洗

淨熟蒸一宿日乾為末水調二錢服○治一切熱毒瘡用蚯蚓糞和鹽醋調塗○治卒中癰瘡其瘡常對在兩脚用桃葉杵爛和苦酒傳皮亦得○治惡瘡用鯽魚骨燒灰傳之○治諸惡毒瘡五色無常用乾姜末蜜和傳之○治多年惡瘡不差或痛痒覺爛用馬糞研并齒末傳上不過三兩遍愈○治惡瘡疥癬虫瘦疽螫毒用五穀和松枝雄黃燒灰存性為末醋調塗○治惡瘡蛇犬咬用韭菜爛搗傳之○治瘰癧風并鼠瘦用途中死蟻蝗杵爛封之一宿差或燒為末苦酒和傳數遍愈先以鹽湯洗亦治疔瘡○治瘰癧風及三年用烏賊魚骨醋磨先以布擦肉赤即傳之○治瘰癧風用羊蹄根於生鐵上好醋磨旋刮塗患上未差入硫黃同磨○治一切惡瘡中冷瘰肉用正月狐屎乾末新汲水食前一錢七服○治諸瘦用泔清溫洗以綿拭水取葵菜微火煖貼瘡引膿不過三二百葉膿盡即肉生忌房室魚蒜等物○治鼠瘦腫核痛未成膿用栢葉杵爛傳之炒鹽熱置腫上熨令熱氣下即消○治瘡內惡肉用寒食麪一兩水和作餅包巴豆半兩在內休教透氣以慢火燒黑為末量瘡口乾貼之○治一切瘡肉出用烏梅燒灰為末傳

上惡肉立盡極妙○治惡瘡潰膿活血去惡肉用白礬鹽等分慢火炒乾為末量瘡貼之○治惡瘡追毒去死肉用信雄黃各半錢乳香二錢麝香少許為末每用少許貼痛上膏藥封之○治一切風熱瘡癬癰疽癰腫咽頰不利舌腫喉閉鼻衄咳嗽痰實腸胃燥澁大小便結滯用連翹當歸大黃梔子芍藥鷲鷲藤各等分為粗末每服五七錢水一大鍾生姜五七片煎七分去滓溫服量力加減熱甚者加以利之○治一切惡瘡追毒去死肉用巴豆半兩去皮雄黃豆粉各三錢為末量瘡乾貼○治惡瘡赤腫瘤用大黃二

兩黃連半兩地骨皮一兩朴硝三錢為粗末每用三五錢水一盞煎七分去滓冷用雞翎掃腫處大妙○治一切瘡癰癰疽無頭腫痛用大黃一兩牡蠣燒三錢甘草炒梔子各錢半地龍去土一錢為粗末每服五錢水一盞煎六分去滓溫服得利立愈○治瘡惡毒連心痛悶睡卧不得用獨蒜二箇爛研和生小油塗瘡上乾即換痛立止○治一切瘡有爛死肉用地榆為末摻之死肉自去止痛生肌亦治金瘡○治諸般瘦瘡作孔穴多年不差者用龍葵根小蒜樓葱附子雄黃麝香赤小豆各少許為末醋和作餅可瘡大

小貼瘡上以艾炷灸之餅子焦黑即差○又方用巴豆燒灰為末貼瘡孔內以膏藥封之大妙○治瘡癰癰疽膿未得盡用黃丹半錢飛羅麪一兩研勻滴水為劑捻如麥粒一頭大一頭小納瘡中用膏藥封之膿自出淨○治惡瘡久不效用豆豉炒為末以臘月猪脂調塗又治舌上生瘡胸膈痛以末口內含一宿即愈○又方用三家洗椀水煎沸入鹽少許溫洗不過三五次愈○治蜂癩瘡用五月五日收乾死螻蛄微燒為末醋和傅大妙又治一切惡瘡用油調傅○治附骨癰用死螻蛄七枚大麥一合同為末唾津調

貼大効○治一切癩瘡用松脂為末填孔中滿每日填三次十餘日効○治一切惡癩瘡中有冷瘰肉用正月狐子糞為末每服一錢新汲水調下食前服○治瘰肉如蛇用硫黃為末摻之大効○治諸瘡內弩肉如蛇出數寸用硫黃一兩為末於弩肉上塗之其肉即縮○治一切惡瘡不効常有膿水出不生肌用白礬綠礬等分先以白礬飛動入綠礬飛定為末摻之自生肌肉甚効○又方用寒水石燒透入黃丹少許如桃花色加滑石赤石脂共為細末塗大効○治惡瘡癰用驢糞燒灰研細頻摻瘡口○治魚臍瘡用

飛白礬地上攤過以寒食麩糊調貼○治癩毒初起
一二日用米醋煮肥皂爛研厚塗之紙花蓋乾則換
○治軟癬流膿不愈用虞葵搗末摻癬口上或油調
傅即愈○治諸般惡瘡用大黃東墻上土為細末以
無根井花水調搽乾再搽經宿即愈○治一切惡瘡
并人食毒物用硼砂甘草各四兩入瓷瓶內以香油
一斤浸之遇有患者急令服油一小盞立効浸久尤
佳○治瘦蝨瘡用良姜白芨麝香等分為末嚼芝麻
水同熬為膏入冷水凝定用緋帛一片火煎作膏藥
貼瘡上○又方用千年石灰茜草根燒灰同為末以

小油調雞翎塗上○治一切惡瘡用歷青白膠各一
兩春秋用油蠟三錢夏用油蠟二錢半冬用油蠟四
錢先鎔開油蠟下前二味以槐枝攪勻綿子濾過入
冷水中手扯千餘遍如瘡已透喫數丸作劑於瘡口
填亦妙攤紙上貼勿令火炙○又方用天茄葉貼之
或為細末貼亦妙○又方用臘月中白燒灰油調
塗瘡疥上○又方用瓦松不拘多少陰乾為末先用
槐枝葱白湯洗過摻之立効灸瘡久不斂者摻貼更
妙○又方用蒲公英搗之貼一切惡瘡惡刺○又方
用白殭蚕直者大黃二味等分為細末生姜自然汁

與蜜同和丸如彈子大每服一九細嚼下○治惡瘡
死肉用芭豆一錢去皮油五靈脂半兩黃丹二錢飛
枯白礬一錢為細末以糊和為錠子入瘡內用之○
治惡瘡用紫花地丁根曬乾以四箇半頭磚壘成爐
子燒着地丁用絡絜一塊盖了使絜眼內煙出薰
瘡出黃水自愈○治諸瘡水度腫用生白礬為末水
調塗之自消○治肺受熱毒遍身生瘡用苦參為末
粟米飯和丸如桐子大每服五十九空心米飲下○
治黃泡熱瘡用清油二兩青木香半兩青竹茹一小
團杏仁二十七粒去皮尖共置鉄銚內慢火熬令杏仁

色黃去滓入松脂末半兩熬成膏每用少許擦瘡上
○治一切瘡癰疽發背已潰未潰悉皆治之大能
排膿血生肌肉用巴豆去殼膜淨二兩木鱉子去殼
二兩黃丹四兩飛過研細清油十兩槐柳嫩枝各七
條七寸長剉細先將木鱉巴豆槐柳油內浸一宿慢
火熬諸藥黑色用生絹濾出渣復熬下丹用長槐柳
條不住手攪候有微煙煙起即提出點藥滴水面凝
結成珠不散方成膏矣傾磁器內收置新汲水內三
日出毒然後用之○治一切瘡疽及傷折損痛用巴
豆去殼殭蚕去絲嘴赤芍藥白芷各五錢五倍子二

錢黃連一錢亂髮如雞子大茱柳枝各七寸蓖麻子三十粒去殼猪膏一指面大以清油半斤浸藥三日慢火熬令髮爛出火候冷絹濾去滓澄清再入銚內熬入飛過黃丹四兩以桃柳枝不住手攪青煙微出為度要滴在水上不散方成膏却出火攪令溫再入乳香沒藥各五錢桂心末三錢畧上火再攪令勻却以淨磁器收貯用○治灸瘡腫痛用薤白切一升猪脂切一升以苦酒浸經宿微火煎三上三下去滓傅之○治諸瘡并漏疔瘡中冷水常流不止用胡粉炭白灰等分為末以臘猪脂和塗大効○又方用黑牛

新屎乘熱封上立効○治諸瘡疔瘡不收口用血竭寒水石各二錢白丁香三錢黃蘗一錢大糞燒灰存性五錢為末唾津調塗瘡口上○治魚睛瘡遍身赤白頭出水發增寒用硃砂蟾酥白麩各一錢研細末飯丸如蘿蔔子大放瘡內○治惡瘡發悶嘔逆霍亂用羅兒青甘草各一兩白礬二錢半為末每服一錢新汲水調下立止○又方用菜豆粉三錢乳香沒藥各一錢研細并花水大糞水澄清調服○治諸瘡癰癰腫表毒用牡蠣大黃梔子等分為末每服五錢水盞半煎一盞去滓涼服○治風瘡用桔梗防風地榆

薄荷荆芥為末每服五錢茶調下○治諸般惡瘡追
毒去死肉用白礬二兩黃丹一兩礮砂三錢為末銚
內同炒去盡水為度每服量瘡貼上○治瘡毒嘔吐
惡心用乾胭脂半錢菜豆粉三錢研勻新汲水調下
只一服立止○治一切瘡生肌用白芨白欵黃藥黃
連乳香麝香黃丹等分為末摻瘡上三二日生肌肉
滿○治一切惡瘡腫瘡并諸般疔瘡用輕粉半錢乳
香沒藥飛白礬各一兩麝香半錢為細末量瘡乾貼
○治惡瘡用雄雞屎陰乾燒灰存性為末香油調傳
○又方用燕窩內外泥糞俱研極細羅過以清油調

搽○治豌豆瘡用蕪菁根搗汁挑瘡破傳上三食頃
根出○治惡瘡癩瘦用酸漿草搗傳之○治瘡癰癰
疽用小青葉搗碎貼之甚效○治一切瘡腫及風丹
遍身如棗子痒痛用雞腸草搗爛傳之○治惡瘡疥
癬風疹用青蒿煎湯洗能殺虫○治中暑熱面上生
癩用山黃楊子搗立差○治魚臍瘡腫痛不
可忍者先以針刺瘡上及四畔作孔用白蒿苣取汁
滴入孔中痛即止人不可多食令人昏目○治諸瘡
及金瘡用牛蒡葉貼之○治惡瘡疥癩用狗溺苔又
名朝生暮落花日乾為末和生油調塗牛糞上黑菌

尤佳○治面上生瘡用曼陀羅曬乾為末少許貼患處○治惡毒瘡癬用天仙蓮葉搗傳之○治遍身熱毒瘡痛粘着衣被不得睡用菖蒲一斗剉日乾為末布蓆上令患人恣卧其間仍以被覆既不粘復得睡五七日可愈○治惡瘡疥癬殺虫用酸泔洗之○治諸般惡瘡初發用苦竹頭節長一二寸刮去青皮似紙薄大小隨瘡斟酌用白蔴荊葉蒼朮烏柏皮厚朴各五錢水一鉢同竹筒前者將乾為度乘竹筒熱以手按於瘡上頃之筒自粘瘡上不必手按更以筒前藥分兩再煮一筒候前筒冷以手拔去換熱者如前法其濃自吸入竹筒而瘡即愈○又方吸筒以慈竹為之削去青多用五倍子少用白礬者筒收起用時再煮熱安於患處○又方用吳茱萸一兩小蒜二兩共研傳之日三換以好為度○治多年瘡口不乾用冬瓜葉焙為末貼之効○治蛇頭瘡用生黑豆為末却將大梔子殼一箇入末於內籠縛在指頭上即愈○治一切惡瘡癰腫用猪膽生姜汁好黑墨濃磨以雞翎頻掃即愈

臙瘡

治臙瘡用降真香火燒過存性五倍子焙過各一兩

麝香少許焙為末瘡以漿水洗淨乾傅藥末以帛裹之○治臙瘡并脚腿血風瘡用老松香如琥珀色者磁器內熬過令冷為末以清油或臘猪脂調成膏用青蒟葉一片隨瘡大小以針於光面上密刺眼將膏塗在粗面上油紙裹之先用飛鹽葱椒煎湯洗瘡淨却將蒟光面貼瘡絹帛縛定至五七日再洗換藥貼忌油麪發物甚驗○又方用臘月猪膽汁搗生姜傅貼即愈○又方用猪膽同黃蠟熬成膏先以茶清洗瘡淨却用厚紙攤藥貼之○又方用血竭為末傅瘡以乾為度○又方用黃丹無名異為末清油調搽濕則乾傅○又方用茱萸焙乾為末先以猪膽搽瘡後用末搽上四五日見效○治臙瘡并脚上瘡痛痒流黃水用大黃黃連黃蘗各半兩輕粉飛白礬各半錢淡豆豉竈心土各二兩為末以花椒熬油調傅瘡上用油紙包定甚效○治臙瘡久不愈用老松香樟腦黃丹炒舊船石灰輕粉或再加白芷川芎蜈蚣為末鎔化松香加少清油和之以油紙隨瘡大小糊袋盛藥先用水洗瘡淨縛在瘡口上三四日一換方單用白芷川芎蜈蚣三味煎湯洗亦效○治臙瘡久不愈者用川烏黃蘗等分為末以唾津調塗紙上貼之○

治外腫脚瘡用累經燒過窰竈黃土研極爛入黃蘗赤石脂黃丹輕粉拌勻以清油調稀用油絹盛藥傅瘡上却以布絹縛定縱痒不可以手開動直候十數日後瘡愈却去之○治腫瘡用黃蘗末輕粉以猪膽調成膏攤蠟紙上貼瘡緊扎住十日再換○又方用牛蹄甲油浸燒灰為末油調傅○又方用蘘汁洗淨梘乾細刮虎骨傅上○又方用乳香沒藥赤石脂黃丹各二錢半石膏一兩為細末生桐油調攤紅絹上復以絹夾之貼瘡極効○又方用東南桃枝白皮於火上炙脆為末乾摻或油調搽○治腫瘡并風瘡用

杉木燒灰存性為末五倍子瓦上焙乾為末先以茶清洗瘡後用荆津水洗以無漿帛拭乾貼藥○又方用茺柳槐橘桑枝各一捻煎湯洗瘡又用米泔洗過挹乾後以淨黃蠟鎔開捻成薄餅子如瘡口大七片每三日換一片至七片瘡必愈○治腫瘡用槐椿桃棟柳條荆芥熬湯無時沃洗以無漿帛挹乾用生黃蠟於紙上量瘡大小攤成十箇都拴瘡上三日一次洗瘡除去着瘡蠟紙膏一箇不用不候一月無問年深日近必然痊可用之累驗○又方用好粉以香油調在碗裏以艾燒煙薰黃色抹在瘡上有効○又方

用輕粉一錢黃連末二錢以猪膽一箇針刺七孔滴
下汁在盞內調成稠糊用竹攤滿瘡口上以紙數層
蓋藥用無糶青絹緊緊拴住過十日再換

疔瘡

治下疔瘡用燈心灰入輕粉麝香少許乾貼立效○
又方用飛白礬輕粉麝香為末先以口含漿水洗淨
挹乾貼瘡日上三兩次○治疔瘡用蚕退燒灰三錢
輕粉乳香各少許為末先以溫漿水洗淨乾摻之○
治疔瘡久不愈者用海浮石燒紅醋淬數次二兩金
銀花一兩為末每服二錢半日二服瘡在上食後服

在下食前服愈為度○治下疔瘡用黃連黃蘗等分
以猪膽二箇拌浸却用瓦或磚於火上燒紅放藥在
上焙乾加乳香沒藥朴硝枯白礬無名異百藥煎血
竭苦參共為末以清油調搽濕則乾摻○又方用蜜
陀僧黃連黃蘗輕粉為末摻之以鹽艾煎湯沃洗○
治下疔腫不消用防風荆芥甘草節牛膝等分煎湯
薰洗即消○又方用益元散加防風荆芥何首烏煎
湯溫洗之○治疔瘡瘡用輕粉韶粉和勻摻之○治
疔瘡用爐甘石火煨醋淬為末油調塗加孩兒茶尤
好○又方用生銀杏搗爛搽之○又方用橄欖燒灰

為末油調搽○又方用黃蘗以雞子清和炒三五次為末油調搽濕則乾摻

漆瘡

治漆瘡用蟹汁塗之即愈○又方用芒硝濃煎湯沃洗○又方用白礬煎湯浸洗○又方用杉木煎湯洗效○又方用莽草葉煎湯洗○又方用無名異末水調傳○又方用羊乳傳之愈亦治蜘蛛瘡飲之尤妙○治漆瘡凍瘡犬咬瘡並用秣米嚼爛塗傳○治漆瘡久不差用漆草搗爛傳之患處立效

疥癬

治疥初成或始痛時用姜黃傳之○治瘡癬初生或始痛時用鹽嚼塗之○治瘡癬用蛇床子末和猪脂塗之○治癬瘡用蘆薈一兩甘草炙半兩為末先以溫漿水洗淨帛拭乾傳之立差○治疥癬滿身作瘡用何首烏艾等分水濃煎浸洗之能解痛生肌肉○治生癬疥用藜蘆為末生油和傳○又用松膠研細入少輕粉先用油塗疥傳末一日夜乾頑者兩度○治癬瘡并一切蟲腫毒用羊蹄根醋磨塗速效○治疥瘡用巴豆十粒火炮黃去皮膜右順手研如麩入小與膩粉少許同研勻搗疥破以竹篦子點藥不得入眼內及外腎上如薰炙着外腎

以黃丹塗甚妙○治癬濕痒用楮葉半斤爛搗封癬
上○治乾癬積年牛蒡搔之黃水出每逢陰雨即痒用斑
猫半兩微炒為末蜜調傳之○又方用狼毒為末傳之○治
濕癬用蕪荑為末和白蜜塗○治疥瘡用苦練根醋磨塗
○又方用薤葉煮湯洗或搗如泥傳之○治頑麻風癬瘡用臘
杖瘡用馬齒莧熬塗甚効○治頑麻風癬瘡用臘
月牛膽一箇內千年石灰懸掛陰乾以銅燈盞盛
栢油煎臭椿皮數沸撈去椿皮用油調膽內石灰
塗患處數次即愈先以茵陳煎湯洗瘡淨搽藥
○治疥瘡用石灰鍋內炒極透出火毒香油調傳
○治癬瘡用樟樹皮為末醋調傳之○又方用猫兒
眼睛草陰乾為末小油調傳○又方用山豆根為末
臘月猪脂調塗之○治遍身疥癬痒或致肌肉頑
麻并紫癩白癩風並皆治之用荆芥穗蔓荊子威靈
仙何首烏防風甘草等分為末每服二錢食後温酒
調服○治瘡癬痒不常用蛇床子半兩黃連三分
胡粉一兩結砂子水銀一分同胡粉點水研黑盡為
末以清油調稀先以鹽漿水洗瘡淨後塗藥乾即換
不過三五度差○治積年疥癩不愈者用水銀三錢
茶末少許於磁器內以唾津擦化為末輕粉三合狼

毒一兩沉水者一半炒為末一半生用以清油出藥
面一寸高浸三日候藥沉油清只點清油塗瘡上仍
以口鼻於藥盞上吸入藥氣○治疥瘡用白礬為末
猪脂調傅甚驗并治惡瘡諸癩○治疥癩牛皮癬瘡
用陸英葉陰乾為末小油調塗大効○治風疔癬疥
或痒或痛經年不效并一切惡瘡用巴豆三錢去皮
當歸半兩輕粉一錢先以清油半斤慢火熬沸下巴
豆當歸熬至焦黑不用却下黃蠟三錢鎔開次下輕
粉攪勻冷定磁盒內盛之每用量瘡搽抹○治疥瘡
黃蘗蛇床子白礬等分為細末先用黃蘗花椒厚
朴枳殼各少許巴豆數粒葱三莖置清油二兩內熬
數沸濾去滓將前藥末於熱油內放冷調搽○治頑
癬久不可者用梗樹皮四兩剪草白芨各二兩巴豆
七粒連殼碾為細末新汲水調如糊厚傅癬上乾去
之再傅立効不須抓破○治疥癬無時痛痒愈發有
時不問新久者用吳茱萸牛蒡子荆芥各等分牡蠣
半兩輕粉半錢信砒二錢為細末研勻每臨卧抄一
錢油調遍身搓摩上一半如後有痒不止更以少許
塗之股髀之間聞香悉愈○治諸風疥癬及癩用浮
萍一兩荆芥川芎甘草麻黃各半兩為粗末每服一

兩水一碗入葱白豆豉煎至半碗無時服汗出為度
○治癬雜瘡用白膠香黃蘗輕粉為細末羊骨髓調
塗癬上○治肺風流溢皮膚作瘡癬瘙痒多膿水似
癩瘡用五倍子生為末搗丸如菉豆大每服七丸食
後茶酒任下日進三服大妙○治癬瘡用草烏磨塗
大驗○治諸般疥癩瘡用馬兜鈴子一兩半白礬二
錢半硫黃三錢為末以清油調勻塗手上搓熱呵之
以鼻嗅吸其氣瘡自安○治風瘙遍身痒用莎草一
握煎湯浴之立効○治遍身風痒瘡疥用茵陳煮濃
汁洗立差○治風瘙瘡疥遍身用荆芥濃煎湯洗或
坐浸湯中

丹癬

治大小丹赤遊風腫用景天即慎火草搗汁或乾末
和苦酒傳之○治丹癩瘡用白芷根葉煮汁洗之差
○治大小風癬不止用白礬研細投熱酒中化勻以
馬尾塗之○治丹癩瘡用酪和鹽煮熱以摩之手下
即消○治火丹遍身赤腫用蘿摩草搗汁傳之或就
搗傳應手即消○治大小赤遊風用芒硝煎汁拭丹
上○治火丹用藍靛傳之即消○治熱遊丹赤腫用
栝樓末醃醋調塗之○治五色丹名油腫不可輕忽

用榆白皮末和雞子清傳之○治丹發疼痛用篇蓄
搗汁服一升未差再服効○治風癩癬痒毒用楓皮
或脂煎湯熱洗○治火丹用有刺栗皮煎湯洗○治
風癩入腹身體強舌乾燥用蔓菁子二兩為末每服
温酒調一錢七下○治天行疰瘡須臾遍身皆帶白
漿此惡毒氣用葵菜葉煮熟以蒜齧啖之則止○治
風癩癩用牛膝不拘多少酒浸一宿焙乾為末每
服二錢温酒調下○治瘡癩入腹用蚕沙濃煎湯洗
避風○治火遊腫流遍身赤色入腹即死用生猪肉
貼赤處其肉臭惡虫鳥不食○治火丹赤腫用黃芩
為末水調塗立止○治五色丹毒遍身散行用乾姜
末蜜調塗立愈○又方用旣帶燒灰為末以雞子白
水和塗之即効○治丹毒流腫用蚯蚓糞為末水和
傳之日三次○治癩癬用伏龍肝三五錢置碗內傾
執酒一盞清少時休取盞盞便吸飲酒立愈○治時
疾發豌豆瘡及赤瘡子未透心煩狂躁氣喘妄語或
見鬼神用龍眼一錢細研旋滴猪心血和丸如雞頭
大每服一九紫草湯下心神便定得腫瘡復發透依
常將息○治人并六畜天行時氣豌豆瘡用黍穰濃
煮汁洗之差瘡黑者杵蒜封之亦可以芸薹煮湯洗

○治一切癩用枳殼水煮為煎塗之乾又塗○治風癩用枳實醋漬炙熱熨上即消○治風癩痒不止用枳殼三兩麩炒黃去麩為末每服二錢水一盞煎六分去滓不拘時服○治風癩癧遍身痒成瘡用蚕沙苦參濃煎湯去滓熱洗避風○又方用白殭蚕焙黃為末每服酒調一錢七服立差○治風癩遍身不差用煨過雲母粉清水調服○治風熱遍身癧癩用牛蒡子浮萍等分為末每服二錢薄荷湯調下○治纏蛇丹用竈心土乾研清油調塗○又方用糯米粉和塩同嚼唾患處○又方用繡鐵釘磨水搽○治癧

癧風毒脚腫並用大戟煮水執淋日再三日愈

癭瘤

治頸下卒結囊欲成癭用海藻一斤酒二升漬數日稍稍飲之又治頷下癭癧○治癭氣用海藻昆布等分為末蜜丸如杏核大含嚥津或作散綿裹一錢醋浸含之○治骨石肉膿血五等癭瘤二三年不差大如杯盞或破潰漏膿水令人骨消肉盡或硬或軟寐卧驚悸體中掣縮愈而復發用烏魚骨硫黃琥珀紫石英鍾乳石各一錢白石脂丹參各三錢乾姜附子大黃芒硝各一兩為細末以竹筒盛勿洩氣如瘡濕

摻藥三四度乾者以猪脂和傅此藥止痛除惡肉大
効○治癭瘤結硬用通草二兩杏仁去皮尖牛蒡子
出油各一合吳射干昆布訶梨勒海藻各四兩為末
煉蜜丸如彈子大含化嚥津日三服○治生瘤子用
砒霜硃砂黃丹雄黃粉霜輕粉硃砂沒藥各一錢乳
香三錢斑猫生用二十箇同研為末糯米粥丸如棊
子樣爆乾先灸破瘤頂三炷為則以藥餅蓋上用黃
藥末水調貼之數日自然枯乾落下○又方用銅綠
為末草刺破瘤摻在上膏藥封貼之○治頭面生瘤
贅用蛛絲纏勒瘤根三五日自然退落有驗七夕纏

尤効○治石氣筋血肉五般癭證用海藻洗昆布洗
礬石枯龍膽海蛤通草貝母松蘿各一兩麥麴半夏
湯浸洗七次各一兩三錢為末每服二錢酒調臨卧
徐徐嚥下忌鯽魚雞肉五辛生果油膩物○治皮膚
項面上生瘡瘤大者如拳小者如栗或軟或硬不疼
不痛不可輒用針灸用生南星大者一枚研爛入好
醋五七滴為膏如無生者以乾者為末醋調如膏先
將小針刺痛處令氣透却以藥攤紙上象瘤大小貼
之覺癢則頻貼取効○治瘤贅用黃丹信硃砂各二
錢乳香半錢研細滴水為丸如米大先用針刺破瘤

根內藥一粒以紙丸塞住紙花封之久而自落忌食雜物○治項瘦用海藻海帶海螵蛸海蛤昆布各二錢硝砂連翹玄參甘草各三錢香附子半兩共為末每服一錢飛鹽湯一盞調臨睡徐徐嚥下或以鹽梅肉搗和丸如杏核大每服一丸噙化海藻甘草雖相反惟此劑宜用極効○又方用猪肺管上團肉一塊將新瓦焙乾臨卧細嚼以酒嚥下極効○治疥子用地膚子白礬等分為末煎湯洗數次即盡去○治瘦氣用海藻三兩海螵蛸二兩海帶兩半大腹子去皮芒硝柳根各一兩珍珠三錢煉蜜丸如杏核大臨

卧噙化一丸

金瘡

治金瘡血不止用小薊葉按爛封之○又方用白薇末貼之立止○又方用桑柴灰傅亦止痛○又方用白芍藥一兩熬黃為末酒調二錢服或米飲調亦止痛○又方用紫檀刮取細末傅之○又方用石灰一升石榴花半斤搗末取少許傅上擦少時血斷便差不出止血止痛用靛帶燒灰封傅○治金瘡腸出隨即推入用桑皮作線縫住以熟雞血塗上○又方用

根內藥一粒以紙丸塞住紙花封之久而自落忌食雜物○治項瘦用海藻海帶海螵蛸海蛤昆布各二錢硝砂連翹玄參甘草各三錢香附子半兩共為末每服一錢飛鹽湯一盞調臨睡徐徐嚥下或以鹽梅肉搗和丸如杏核大每服一丸嚙化海藻甘草雖相反惟此劑宜用極効○又方用猪肺管上團肉一塊將新瓦焙乾臨卧細嚼以酒嚥下極効○治疥子用地膚子白礬等分為末煎湯洗數次即盡去○治瘦氣用海藻三兩海螵蛸二兩海帶兩半大腹子去皮芒硝柳根各一兩珍珠三錢煉蜜丸如杏核大臨卧嚙化一丸

金瘡

治金瘡血不止用小薊葉按爛封之○又方用白薇末貼之立止○又方用桑柴灰傅亦止痛○又方用白芍藥一兩熬黃為末酒調二錢服或米飲調亦止痛○又方用紫檀刮取細末傅之○又方用石灰一升石榴花半斤搗末取少許傅上擦少時血斷便差不出止血止痛用甌帶燒灰封傅○治金瘡腸出隨即推入用桑皮作線縫住以熱雞血塗上○又方用

磁石滑石等分為末以白米飲調方寸匕日再服○
治金瘡血流用桑皮中白汁塗傷處須臾血止○治
金瘡血內漏用雄黃如大豆內瘡中血皆化為水○
治金瘡用檳榔黃連少許為末傅之即差○又方用
青蒿搗爛傅止血定痛生肌甚良○又方用白芨為
末塗之○治金瘡刀斧傷用石灰包裹定痛止血立
差○治金瘡用五月五日採露草一百種陰乾燒作
灰與石灰等分以井花水和丸燒白刮傅瘡上止血
生肌○又方用葵葉燒灰或乾葉為末皆可傅○又
方用琥珀屑傅之止血生肌瘡口即合○又方用蟹

黃及足中肉熬末內瘡中筋斷亦可續○又方用晚
蚕蛾為末摻勻絹裹止血生肌隨手瘡合○治金瘡
破腹腸突出用乾人屎抹腸即自入○治刀瘡用大
黃石灰等分為末傅上即効或炒為粉紅色傅○治
金瘡用黃蘗四兩去粗皮黃連去鬚黃葵花焙乾烏
賊魚骨黃丹飛過各三兩降真末檳榔龍骨蜜陀僧
血竭韶粉各一兩白芍藥木鱉子各半兩乳香各二
錢研極細和勻厚紙包裹勿令透氣候三日方可用
凡遇金刃所傷血不止者作急用藥乾貼血痛立止
或所傷日久用葱鹽湯洗去惡物挹乾以唾津調貼

用紙封蓋瘡口留一竅出膿水及被傷血流太多恐傷斷脈絡血管急揩去血用藥乾貼之立止○治金石刀刃并一切打撲傷損血出不止用烏魚骨一兩石灰四兩青蘗草蒿苣菜各一握約一虎口以五月五日未出本人不語將三味同搗爛次下骨灰杵勻搏作餅子晒乾用時旋刮傅之立効此藥傅上無膿退痂便愈○又方用黃丹白礬等分為末貼之○又方用葱炒熟搗爛乘熱包縛痛與血隨止葱冷再換○又方用鍋底黑燬研傅之○又方用無名異末搽○又方用白芨石膏燬共為末摻上亦可收口○治刀傷出血用野葛葉按傅甚効○又方用五月五日午時取青蒿和石灰搗捻作餅子收蔵凡金刃所傷者刮末傅之○治刀箭傷用端午日午時採苧麻葉晒乾為末貼損處大効

折傷

治一切破傷多用燈心草爛嚼和唾貼之以帛裹定血立止○又方用自然銅研極細水飛過同當歸沒藥末各半錢酒調頻服仍以手摩痛處○治跌骨碎破用生地黃搗爛熨熱裹三日夜數易若血聚以針決之○治續斷筋用旋花根洗淨搗量瘡大小傅之日易一二次乃差○治閃折筋骨傷損用骨碎補為末煮黃

米粥和之裹傷處○治墜跌傷損瘀血在腹刺痛用
敗蒲蓆以蒲黃芍藥當歸大黃朴硝煎服血當下○
治下一切惡血用琥珀大黃鱉甲為末每服方寸七
酒調服○治從高墜下或重物壓損瘀血用琥珀刮
屑方寸七酒調服及取蒲黃二三七服日四五度○
治一切折傷筋骨瘀痛用沒藥研爛熱酒調服破癥
消腫推陳置新○治墜落車馬折傷筋骨疼痛用延
胡索為末豆淋酒調二錢服○治被毆傷瘀血聚腹
滿用豉一升水三升煮三沸分服不差再服○治從
高墜下頭破腦出中風口噤用大豆一升熬去腥勿
使太熟杵末蒸之氣遍令飀下盆中以酒一升淋之
溫服覆取汗傅膏瘡上心痛筋攣膝痛脹滿並和甘
草煮服○治馬墜撲損用稻稈燒灰以新熟酒未壓
者連糟入鹽和合淋前灰汁以淋痛處立差○治壓
撲損傷用胡桃肉杵和酒溫服便差○治傷損瘀血
用飴糖熬焦和酒服之能下惡血○治折傷用麥麩
和醋蒸包傷處○治墜馬積血心腹唾血無數用乾
荷花卉乾藕為末酒調方寸七日三服○治從高墜
下及打擊內傷用麝香水蛭各一兩剉碎炒煙出為
末酒調一錢當下畜血未止再服其効如神○治被

打腹中瘀血用白馬蹄燒灰為末酒服方寸七日三
夜一亦治婦人血病凡食馬肉忌生姜蒼耳孕婦忌
食馬驢騾肉○治撲打墜損惡血攻心悶亂疼痛用
荷葉五斤燒令煙盡為末食前以熱童便一盞調三
錢七日三服○治磕撲傷損肌膚青腫用茄種通黃
極大者切片如指厚新瓦上焙乾為末臨卧酒調二
錢七服一夜消盡無痕跡也○治打撲傷損刀斧傷
用夏枯草口嚼爛盪上即愈○治負重擔肩破用剪
猫兒頭上毛以不語唾粘貼破處○治骨頭打碎用
破草鞋燒灰為末油調塗貼○治顛撲重傷者用生
姜汁四兩香油四兩順攪勻以無灰酒熱調下○又
方用松節煎酒服○治閃肭用米醋糟平胃散相和
罨之○治骨損用醋搗肥皂極爛厚盪之以帛束住
○治打撲刀斧傷損用帶鬚葱燒熟搗爛盪上冷
則換○治一切破傷血不止者用白麩盪之立止○
治磕撲損傷接骨即將折處湊上綁定用雄雞一隻
取血以好酒一碗銚熱就刺血在內攪勻飲之即愈
○又方用土龜一箇研細以好酒半碗調服隨覺遍
身拘急即愈傷輕者止可用半箇○又方用菜豆粉
半升人鬚葱白各二兩同炒九次用自然銅半兩醋

淬五七次共研為末以骷髏醋調成膏貼之○又方
用蚕沙一小碗入小麥數粒同炒黃為度菜豆粉一
大匙炒綠色飛白礬二兩輕粉少許共研勻於銅器
內以好醋溫熱調成膏攤於四五層紙上裹損處三
日一換三次即止兼治風濕痺及杖瘡○又方用少
婦髮一團包指頭大乳香一塊在內以麻纏五七層
如雞子大於烈火內燒灰存性為末每服一字酒調
下○又方用狗頭一箇燒灰存性為末熱醱醋調成
膏傅傷處以帛重裹於暖處貼○治傷肢折臂斷筋
損骨但有皮相連者用生地黃研汁好酒和服一月

筋皮連續并杵碎炒熟封損處無比應効○治刀斧
斷筋用金錢子花葉莖根去土淨搗取自然汁滴瘡
口中以滓封瘡上不過半月斷筋即續大効○治打
撲傷損筋骨瘀血在內疼痛用鼠糞燒過為末以臘
猪脂調傅封裹其痛即止○治打撲胸損痛不可忍
用乳香二錢另研烏梅五箇去核焙為末白蒿苗子
二兩八錢炒黃為末白米一捻細研再共研勻煉蜜
丸如栗子大細嚼熱湯送下病在上食後在下食前
○治骨折用乳香末摻極痛處以小黃米粥塗上却
用五靈脂一兩茴香一錢共為末厚摻以帛裹定用

木片夾之少壯人二日効老者五六日効○又方用半兩銅錢醋蘸燒為末木香自然銅各一錢麝香少許為極細末每服三罈頭嚼丁香一枚乳香一粒無灰酒一盞在上食後在下食前服如不折其藥反出服罷痛甚勿疑待一日如骨未接再服老者十餘日少者五七日愈○又方用定粉當歸各一錢礪砂錢半為末每服一錢煎蘇木湯調下服後仍頻飲蘇木湯此藥能接骨續筋止痛活血○又方用接骨木半兩乳香半錢芍藥當歸川芎自然銅各一兩為末以黃蠟四兩鎔開投藥末攪勻候溫衆手丸如龍眼大瘀血傷損疼痛好酒一盞浸化一丸熱服若碎折筋骨先用此藥傳貼然後服之○又方用夜合樹皮去粗四兩炒黑色即合歡花樹芥菜子一兩炒為末酒調二錢澄清臨卧服之以滓罨瘡上札縛定○又方用葱白砂糖等分爛研傳之痛立止仍無癢痕○又方用菜豆粉新鐵鈿內炒紫色以新汲水調稀厚傳損處貼以紙將杉片夾定立効○又方用栢葉荷葉阜角俱生用骨碎補去毛等分為末於折傷處揣定令入元位以姜汁調藥如糊攤紙上貼骨斷處用杉木片夾定以繩縛之莫令搖動三五日後開看以溫

葱湯洗之後再貼藥復夾七日如痛甚加沒藥○治一切打撲并金刀傷損身體血出用硫黃明淨者四兩花藥石一兩俱為粗末拌勻先用紙筋和鹽泥固濟瓦罐一箇候泥乾入藥於內再用泥封口候乾安在四方磚石上書八卦五行字用炭一秤籠壘周匝自巳午時從下着火漸令上徹直至經宿火冷又放經宿罐冷取出細研羅過堯盒盛貯但有損傷血出急搽此藥血自化為黃水如內損血入臟腑熱煎童便入酒少許調一錢服立効若十觔腸出不損者急送入用細絲桑白皮尖茸為線縫合肚皮縫上搽藥血止立活如無桑白皮用生麻縷亦得並不得封瘡瘡口恐作膿血如瘡乾以津液潤之然後搽藥婦人產後敗血不盡惡血奔心胎死腹中胎衣不下並用童便調服○治從高墜下及木石所壓一切傷損血瘀痛用大黃一兩酒蒸杏仁三七粒去皮尖研細酒一碗煎六分去滓雞鳴時服至曉取下瘀血○若傷重便覺氣絕不能言取藥不及急擘開口熱小便灌之○又方用大黃黑牽牛赤芍藥當歸等分為末每服二三錢熱酒調下約行六七里再用熱酒調牽牛末二錢催之瀕下惡血成塊若傷重大小便不通者

尤宜服此○又方用破故紙炒茴香炒辣桂等分為末每服二錢熱酒調下○又方用胡孫姜研爛取汁酒煎服滓傳傷處○又方用南星白芷半夏白芨黃蘗赤小豆等分為末姜汁調傳患處蜜調亦好○又方用澤蘭炒附子炮去皮各一分當歸炒蜀椒炒甘草炙桂心各三分川芎炒六分為末每服二錢溫酒調下日三服忌生葱猪肉冷水菘菜立効○治打撲傷損敗血流入胃脘嘔黑血如豆汁用當歸白芍藥芎藭百合水浸半日荆芥穗等分每服四錢水一盞酒半盞煎七分服○治鍼灸傷經絡膿血不止用黃耆四兩當歸兩半肉桂去粗木香乳香別研沉香各半兩為末用菜豆粉二兩姜汁煮糊丸如桐子大每服五十九熱水送下不拘時○治傷折閃肭用杜牛膝搗罨甚効孕婦勿服破血墮胎○治打撲傷損及閃肭骨節用接骨草葉搗爛罨患處立効○治閃肭手足疼痛用生姜葱白爛搗和麪炒熱罨之○治傷重者用生葱荆芥土當歸煎湯溫熱淋洗○治傷損筋骨碎斷即煎葱淋洗拔伸整頓令骨相續平正却用生姜汁或生地黃汁和水調攤軟帛或厚紙上貼之次以木皮約如指大片踈排周匝以小繩緊縛三日

如前淋洗換藥貼裹候骨生牢方可去夾○又方用
穿山甲炒黃丁香皮各三兩土當歸一兩枇杷葉根
百草霜各半兩焙碾為末以姜汁或地黃汁調貼傷
處○治傷重腸內有瘀血白芍藥熟地黃川芎當歸
等分每服三錢水盞半煎七分空心熱服○又方用
當歸大黃等分三錢水煎去滓空心熱服○治筋斷
骨碎痛不可忍用硼砂一錢半水粉當歸各一錢為
末每服二錢煎蘇木湯調服仍時時飲蘇木湯立効
亦治飛禽走獸骨折○凡腦骨傷碎輕手搏平用藥
傳貼絹片包裹不可見風着水恐成破傷風在髮內

損者須剪去髮傳之若傷碎太陽穴則不可治○凡
肩甲骨出用椅當圈住脅仍以軟衣被盛襯使人挺
定兩人拔伸却墜下手腕又令曲着手腕絹片縛之
○凡金井骨在脇之下有損不可夾縛只是捺平令
安貼用藥傳之兩脅骨亦然○凡跨骨從臀上出者
可用三兩人挺定腿拔伸用脚捺入如跨骨從襠出
則不可整○凡手骨出者若向左出則向右邊拔入
向右出則向左拔入○凡手脚骨皆有兩脛若一脛
斷則可治兩脛俱斷則不可治○凡傷損重者大槩
要拔伸捺正或取開捺正然後傳貼填塗夾縛拔伸

務要相近本骨損處不可挫去別骨節上○凡捺正
要時時轉動使活○凡傷重必用藥水泡洗然後塗
藥○凡夾縛夏三兩日冬四五日解開用熟藥水泡
洗去舊藥切不可驚動損處仍傳藥夾縛○凡損一
月尚可整理久則不可

嘉靖壬戌夏四月吉淮安府刊行

衛生易簡方卷之九

